



餘生詩藁卷六

歷陽鷹阿山樵戴本孝

碧落盧白雉示無忝三首

有序



廬成之二年西偏蛻峽尚未塗墍時余自外歸
偶一啟視忽見雙白雉驚飛而出俯窺複壁間
蓐艸粗藉若將巢乳者然自是遂時隱現於廬
左右雄者惟兩翼純白首尾皆五色陸離可愛
其雌則質渾素而淡青細斑間之較凡雉皆特
大因紀以三詩四方之夙好多仍余起句屬和
焉遠近求觀者或無意輒獲一見不能追視恆

觀也時無忝適自城中來兒子語其事異焉頃
忽自竹間雙响而出如是者將踰年始見于戊
午三月之上弦迨巳未山中大旱自四月不雨
至于秋七月遂終隱不知所之矣

碧落廬前白雉飛野人驚嘆自來希明知介性韜容彩
獨邁同羣傷德輝西崦雲移宮扇轉南車風動越裳歸
卽看起舞還如月誓縞誰分玉帳圍
碧落廬前白雉來白頭樵子起徘徊可憐素質矜霜雪
秣合貞姿竄艸萊雖夔寡文猶善鬪寧知多異卽爲災
山虞羨爾期生致同類應防有妬媒

碧落廬前白雉鳴誰堪修贄獻承明玉胎色借聞天鶴
金距聲先出谷鶯昭后且難逢譯使彭鏗寧復進斟羹
不煩妄播工園瑞戢翼惟期老太平

題蛻峽新壁

茅屋三間剪乍齊松陰四面拂還低碧巖細觸牛唇艸
素壁精塗燕口泥交泛如雲空滿戶糧餘在菊好盈畦
且容衰眼供幽夢誰念如麻問鼓鼙

俗稱三月日燕口泥巧壁不裂

雨賞畫卷歌

三伏竟不雨耕農皇皇酷暵疾首豈非有以致
此者然耶山堂仰歎廢食無俚借圖長卷以消

永憂浹月輟筆甘澍適至几硯澄鮮頓爲改色
因矢口成聲題於卷尾

六月不雨川岳焦科跣四顧空無聊破硯塵封龍尾渴
秃筆風燥雞毛凋一身五岳失所託欲從何處逃炎熇
忽然午夢落欹枕追尋浪跡恣逍遙野人桔槔乍驚醒
有如推我隨舉頂蒼生赤汗淚流血焮髓煎膏誰見拯
苛政猛虎適相濟況加酷日烘沸鼎老生筆硯憤欲焚
中夜不寐心煩煩曉起焚香看道書天地傳舍勞居諸
聖凡苦樂各自領豪氣齷齪徒迂疎且拾枯枝付茶臼
焚盡閒愁一搔首洗殘硯墨寒雲流不覺鴻濛落吾手

圖我共鶴乘虛舟來往彈琴無可求真仙窟宅應靈闕
陶家何用侈層樓依林棲影弄泉石艸堂絕塵生虛白
安得素心足晨夕躑躅羊腸究何益酒旗招招汜行客
飛帆洋洋過駒隙危峯倒瞰江城碧幾度蘇耽被彈射
誰欵柴門向嶺腋曲折徬約支短策此窳似有煙霞癖
懸崖瀑斷雲橫隔無乃可望不可卽我嘗獨訪浮丘公
踏翻雲海青芙蓉蒼精翠鬣蟠瘳龍搖峯盪叟奇豁胸
崩巖危檻罌石屋變化滄桑見反覆非具千秋冷眼人
誰言萬頃雲山福無情漁麥煙波閒極浦蒹葭落照間
此中深淺曾無測世外浮沈總不關嘗嘆谿南老農父

荷鋤卓笠日當午艸枯豆落可奈何世亂田荒苦徭苦
何當一瓢萬山巔紫芝紅朮和清泉高士逃俗貴能忍
慧劍一抉休流連生平足跡半天下墨海雲莊變清灑
局撫兒背拂吳藤不似龔開徒畫馬隨意名山好臥遊
破墨淋漓汗盈把東塗西抹雲鬱陶南山北山風刁颺
靈雨瞬至如驚濤助我點染羣歡號造化滿筆誰敢操
展卷大嘯何其豪雨來賞畫呼兒曹盍爲過山沽邨醪
古人神妙六法高愧我此卷天償勞好事流觀且莫韜
留當秋熟看持螯

愴懷

歲旣不堪問月猶何苦明天心如可悔世道或將平
壘圻竟千里鴻磬乍幾聲披衣驚坐起白首歎無成
四海遂狼藉吾衰空自悲英雄伸大義富貴想真癡但
得生非偶何緣數更奇冷灰觀劫燼誰不負鬢眉
物極必然反匪由今始知嘗憂春澤濫果失夏苗宜農
廢兵誰飽徭苛盜益飢不須長太息想迫太平期
誰屋將爰止處堂豈苟容豪家希穀貴長吏諱年凶憾
不遺天地恩無念祖宗咄嗟吾道喪擊目砥胸春
風聲挾雨勢烈燄舞炎空世態天何異子生道不同燎
原應莫救竭澤始知窮革面無如鼎胥歸大冶中

偶画磐石上一臥松偃蹇支離於羣木之下一麥

臨流扣石而吟若曰

我與松同調鳴泉豈不知有琴未忍鼓擊石已如癡羣木何其竦孤亭空所思誰憐摧折苦翻變託根奇

已未人日陰慘特甚憶弟無忝入粵

一身老不嘆途窮此日凄寒大不同庚子旬偏仍丙子

東風令反讓西風枯榮見慣惟樵父倚伏難期只塞翁

遙念梅花春嶺外原鴿何處問冥鴻

是歲上旬以四日庚子人皆以去歲

上旬丙子之早既驗矣則今益可憂也此年來春多西風甚厲

題画寄吳舫翁姑訊兼示楊子部山二首

一箇茅亭子嘗收萬畝秋
溪林聊寄遠吟客總離憂
才出古人上交期近日投
隔江何必見此意更悠悠

我有意中客嘗居境外山
毫端破雲影瀑帶亂松鬢
古調爲誰變新詩祇自刪
扁舟無限思秋色滿江關

季箴借舍弟無忝過碧落
精廬慨然有抱經林藪
之志賦詩六章見示依韻
畲之

白髮憐樵子青山愛画師
敝廬悲宿莽陟岵感遺詩
松徑幽苔洞薪龕烈燄碑
如君千載意惟有歲寒知
無力報君親空投寂寞濱
所須惟我友安敢望他人
失學良爲病恆飢未是貧
不嫌衰嬾在猶訪舊緇巾

古今何錄錄天地亦非非安得乘雲海相將沐曙暉英
雄傷歲晚貧賤苦心違爾我家山外蒼茫何處歸
兄事惟吾弟吾衰亦爾兄抗懷追進行結耦好歸耕山
色從無厭松心不待盟高空如皦日寧肯博浮名
雪帶新詩至寒巖欲改容天應聽老鶴樓獨讓元龍掃
石雲爭座窺窗月臥松何當無事日歲歲傲殘冬
奇才真曠代濁世許誰憐自古垂名日多應在盛年雲
霞千仞上風雨一燈前我得恣高枕君宜蚤著鞭

始至含山時維初夏

西望雞籠外城臨天鼓

山名

陽猶憐文物古且救硯田荒

睥睨林巒翠汚邪禾麥黃初來爭照眼滿市酒牀香

假榻安國寺示僧

蒯帽騎驢客循城傍寺來醉僧呼不起破院喜猶開二
十年曾到兩三旬始回山中城外路所過不煩猜

城中好我者相繼招尋

平生多汗漫到處有盤桓謂我無岸隨人露肺肝那
爲安邑累聊博故人歡排闥雲山入淋漓墨未乾

贈王東柯

老愛東柯子詩源溯右丞香幢花滿鏡講席月窺燈萬
里身難老千秋興可乘慙余非淨侶端恐負晨興

贈鍾康石

安得不離羣琴橫康石雲長松譜高響短髮冒斜曛筆
墨真神物山川有至文可憐金石在輕薄總紛紛

贈王石梅大令及長君桐源

結髮趨庭者惟餘老石梅一官真傲屣有子洵奇瑰燕
喜一堂樂鴻嗷四野哀獨君憐義舊吾道不寒灰

贈飲香堂唐秩臣

之子心何遠連山帶鄙家短籬茅艸屋溪柳芰荷花魚
鳥窺歌筦琴書滿釣槎四時都是画隨意補煙霞

游定夫先生祠淪爲淫祀僅存篆碣委在泥涂復

之甚易諸同人之責也存此志慨

客求蟹眼水遠就石牛潭率爾循幽艸因之過野庵淫
祠竄往哲殘碣躡征驂不致斯文喪何其容易譚

謁張不二先生遺像示其孫忠孫

爲訪張公後孤忠尚有孫遺容應下拜幽憤莫招魂餓
是成仁術貧爲繫道根千秋名教事九鼎一絲存

蒼山僧吾一送新茶

蒼嶺白龍乳綠茸蟠紫芽瘳能通石髓芬每襲蘭葩雨
過僧初摘雷驚客更誇欲求秋露子學種到山家

袞山禪堂唐子秩臣力葺之邀同鍾孝虎黃素書

過宿一夕

我友愛僧窟閒來搯古堂
泐猶穿地響墀自倚巖蒼
塵
旅幾支許苔蘚半宋唐
不知誰伎儉輕篆碎塵方

山殿故無

塵蛛網雀窠皆不入相傳有碎塵珠在焉然窺各斗棋間有一符篆殿為永樂中三寶太監再建

將欲遍為羣山之遊不克果

迢迢一破硯落落幾青山
白石天堪住黃谿夢未還
短筇迷小峴古險失昭關
相對期幽討誰人肯得閒

望太湖鼓山弔崔巖

長歎崔巖老空開大徹堂
雲泉徒弄影竹樹且含蒼
攘座紛狐窟窺林失象王
三年吾未過鐘磬黯斜陽

早勢至

夏去潮無言頻語早勢訛
赤雲翔野魃白髮戀愁魔
撥米溝邊柳下禮橋外禾
那堪搔首望生計竟如何

西郭雲壇羣儒挾僧誦祈雨經

石燕何能語芻龍豈有靈
顛僧難斬虹長吏忌書
螿多謝書生見羣叟佛氏
經皇天真莫測夢夢幾時醒

登城望雨不至將裏硯還迢迢谷

城頭望雨脚殘淚幾絲絲
客硯塵難洗鄰家酒嬾支
黃精猶得買青飀更宜知
誰肯修荒政蒼生莫易欺

雞籠道中蝗忽大至

忽見倉皇日同悲黯澹天囓聲驚驟雨飛勢炯疑煙此
患洵誰養爲災總莫憐催科翻孔棘枯海不嫌煎

暮還守硯庵觸目愴然

歸客薄山椒殘陽氣更驕農功看漸燬天意豈能消遍
嶺烏蝻子空田赤豆苗依然雲漢在又說不宐菽

夕前天河不見
數日菽麥宐收

晚秋早穀中皆蟲損實

羣求早穀種種種但宐蟲菜藥聞投蟹魚苗說化蚤始
知垂氣類原足崇時豐安得堯湯出何愁天地窮

葉圃家謂之菜藥死蟹投厠則菜不蟲凡大
旱水中魚子皆能化蝗蝗滅入水亦能化蝦

山中
苦瓠

九月朔山妻示疾五日而訣

老妻何靜好食苦此山邨三十八年內五男見十孫溪
秋劇引訣凶歲幾能存喪眼全無淚悲風谷口吞

妻暝時猶相視而笑出谷外覓棺始就斂

吾死自當羸王孫善篤終先妻猶未達諸子恐難同聊
結百年髮仍求三寸桐散場惟一笑今古各怱怱

予自製瓦棺成已三年矣猶未遽歸也妻先就木

示慰兒輩

嘗做聖周意甄成六一泥孤心應自銘片石借誰題徒
有淵明子空慙儒仲妻祗今真契濶哀雁不須啼

三男并星婦先其姑兩月而病後其姑一月而死
死之前一日夢姑呼同歸姑死之夜慰予曰吾
數已盡不必哀也時兒家炊多不能繼

黔婁偏後死德曜喜先歸心侍慈幃側魂呼病婦依殘
宵知數盡中道苦心違五噫聲皆噎誰憐鳳獨饑

西舍火起幾燔吾室以救獲滅更慰兒輩

既與福相倚饑原死作鄰燎原初不熒煬竈復何嗔灰
燼生前夢詩書劫外塵驚呼兒輩看觸舊反疑新

競傳災異矢口成聲

物異不勝紀天災方欲流屢聞翻地軸曾莫念民蚤城

吼或疑鬼江鳴甚似牛古來竊據者誰不負神州

山花蘿蔔山民賴以獲全此天地自然之賑也故
頌之

天豈絕民命山花苗歲凶能和百穀飽好佐四時饗饒
柄叢幽壤荆筐遍遠峯可憐功用大未得遇神農
流莩南徙不忍見

四野朔風辛顛連有雁民寒江都是淚衰艸欲爲燐頤
鼠慣依社妖蝗枉媚神亂離殘骨肉一見一沾巾

牛厄

農廢爲牛厄荒殘肆殺機災黎終鮮飽屠伯近來肥剽

竊風爭長貪饕日怨饑若無耕種貸春起更何依
捨時戒兒輩勿造不相知者門

兒輩初饑困逢人莫告難高操垂簡冊溪耻溷盤餐矯
俗鬢眉冷隨波骨肉寒末流休乞食呼蹴可能看

除夕薦碧落精廬

自植一莖艸長縣七佛禪松陰忘歲序山色總親恩洞
覓安心法巢高透頂門夕陽穿蛻峽何處又桃源

守歲守硯庵二首

細雨咽殘淚燈花向夕孤菜根過笋蕨豆粥想蕪萁山
涸疏泉眼邨荒廢酒壺雛孫爭學拜全不厭啼呼

齋嘗畏九九過豈能全牛酒療饑日桑榆誓墓年不

才羞後死何事比前賢忽覺狎狂發哀吟達曙煙

時予年五

十九昔王右軍杜少陵皆以是告終則予今年之不死寧不幸且愧耶

示馬鞞山中伐樹僧

存得幾株老樹在溪山如對百年人殘僧苦爲饑瘡惡
樹作醫王大捨身

古樹從來說有神樹根根下古時人可知僧死三年後
不見僧身見樹身

枯樹雖然好作薪焚薪薪亦好焚人嘗看薪盡僧先盡
誰是誰非總化身

僧拜堂前佛未真堂前佛是樹雕人滿山樹即滿山佛
斷樹何如斷佛身

斬來古塔當頭樹那管前朝塔裏人不是兒孫真毒手
只言無縫好藏身

可憐人是無根樹嘗恐深山樹笑人樹縱多根有何益
成材那得好全身

材與不材終可壞伐求勿伐亦癡人從來天地非長物
幻幻真真不了身

果然無用真無用須信有時還有人莫怪樵夫慣饒舌
別無一物是真身

寺為無用寬禪師北普明院

張二述臘五十生日與舍弟無
悉同庚

石交迨我已三世吾弟與君共百年賢聖非無明志事
乾坤賴有訂頑篇老知愛日偏多故貧獨憂天欲損眠
雲漢至今歌不得且留雙眼看桑田

山堂梅花

老骨寒欹瘦鐵痕交加山月鑱柴門飢來更覺添清勁
香粟離離未忍吞

為爾徘徊嬾出門惟空夢冷未招竟不煩細訊春消息
臥向疎籬老樹邨

庚申元夕紀愁

黃霾迷山曉赤暎潛如血在廳肆衝蕩殺氣黯塗巖燒
邨閉華門屋茅厲掀揭驚起仰天看黑雲紛剝裂鬱儀
愁無光輪摧如碎玦向夕天欲破妖電亂投蜺疾雷怒
失聲乍憂攝提折疎雨若枯淚幾點助凄切空山一飢
寥今夕坐蘊結孤窗戀昏燈何時見令節

謝逋臞介峰惠米邱次

塵生甑裏亦尋常金石聲淒未忍揚陶令叩門慙獨拙
魯公乞帖喜先償聚來足見山川勢炊過猶聞珠玉香
斯世何人知裹飯莫將飢飽問東方

黃山圖歌

老筆忽然與天通芙蓉突兀穿鴻濛地肺劃開雲亂起
天目歷倒風爭雄七十萬仞天去咫尺三十六軸地蟠底
列峰化作五老人開都聞有二天子至人往往來覓家
複閣邃宇生琪花芝篇鳥書隨我讀滿天玉髓流丹砂
松石高空灑幽翠猿鳥絕塵得仙意浮丘容成堪把臂
下古何期等上世此山卓犖在人間欲往從之那得閒
試爲君圖君一笑與君白首開朱顏

馬克仲西莊牡丹

惟有名花是故人十年不見更如新滿庭膩綠分霞影
繞砌嫣紅拂錦茵家釀可開應獨聖國香長在莫言貧

子孫看到何能得如此璫芳更可親

看到子孫能幾家
唐人牡丹句也

題世外山圖

老筆從來當五丁
劃開岳瀆見真形
白雲亂染雙蓬鬢
碧眼閒窺一艸亭
舊恨煙嵐隨意掃
新詩泉石可人聽
虛堂誰想乾坤外
不盡蒼茫入画屏

放歌贈于湖魯人

我聞前人論画理
須破萬卷行萬里
山川從來有性情
作者得之卷舒裏
魯生少年天下士
忽來洗硯橫江水
窮谷老樵乍入市
相視一笑墨沁齒
我輩行藏乃如此
太古圖原在書前一
畫先開文字天河山
涵影下垂象

筆墨真氣能舟旋
是以六法尊氣韻
俗夫貿貿迷媼妍

明妃倚市共巫女
此道於今良可憐
君不見鍾山梅下
于湖老苦把離騷
画不了蕭條阮咸
今尚存江頭醉臥
無芳艸落落君爲
同里人不阡不陌
迴出塵江山突兀
空滿腹酒錢那得
長逡巡何不從我
逃之寂莫濱僦囊
二十一史十三經
徧歷五岳四瀆恣
討論惟恐雲煙萬
斛按不住與君一
時發興如有神
君未老莫言貧
但願太平此樂難
具陳吁嗟呼安得
太平此樂難具陳

再詠白雉三首

碧落廬前白雉飛
出羣驚見是邪非
雙雙拱壁分瑤圃

片片閒雲下翠微
雀在陰時還較小
鳳從吐後更疑肥
翩翩素履真相得
回首山梁好樂飢

碧落廬前白雉來
松窗月影共徘徊
玉誰種就偏生翼
珠始還時便出胎
文采淡成渾是水
正樊斜落不分梅
新詩擬作鵝羣榻
可信瓊瑰到艸萊

碧落廬前白雉鳴
翰音空谷曉尤清
宜從皎皎駒場聽
甚似振振鷺羽明
今日堯羹誰用饗
當時湯鼎想聞聲
青山好我存真璞
委贄爭看一報瓊

又詠白雉三首

碧落廬前白雉飛
似憐衰鳳與同飢
欲申縞紵雞壇上

且襲斑斕雀肇歸
自喜朱顏長不改
期明素志莫相違
粉牆月落浮雲影
爾尚迴翔玉幾圍

碧落廬前白雉來
隴頭晴練疊驚開
祥徵羽族多奇表
氣應金英產異才
鬪志不忘先斂色
軼羣何懼豈罹災
况多變化藏身術
縱有驕媒未敢猜

碧落廬前白雉鳴
曾聞拂首獻南征
雲裁夏翟渾無色
玉鏤華蟲尚有聲
冰雪自甘猶震响
文章不露向離明
何勞粉飾爭言瑞
皦日長懸壯士纓

題画寄阮亭

名山河其高閒雲
甘在下矯首清華
天彩筆肆蒼瀛金

莖湛滿裙瑤艸拾盈把聊圖江南秋上之冀北野將以
丐膏馥幸勿軼甄冶

題畫寄繹堂

半竿三泖拋閒艇一硯千秋寄大庭憐我麻皮仍袒褐
知君鳳閣亦巖扃意中山色貧堪贈塵外松聲靜可聽
白髮敢期霖雨沐悠然極目遠天青

題畫寄其年

江山大作松筠氣今古爭傳湖海樓百世人難欺日月
四時天亦愛春秋近聞金馬推吾黨欲訪銅駝問舊遊
畱得須眉冰雪在昇平好共戀皇州

餘生詩藁卷七

歷陽鷹阿山樵戴本孝



酒家請以酒易畫戲作藏頭山與之訂

高山如神龍往往不見首昨夜夢寒空錯落下星斗凍
硯掃奇峯巨靈亦斂手輕將五岳雲博得百壺酒山醉
且藏頭畫美更容口君娛縱目山我鼓傾耳缶相示何
必言兩無復兩有自此有無通可繼應可久

一画中襍詩

碧樹發華滋青山存容色白雲若無心變化焉不測欲
問幽居人杳然不可得

遙岫落幽林孤香伴野閣朔氣尚蕭森春意漸磅礴崖
岸若不高塵踪將齷齪

團瓢挹嶺秋逸棹候谿汐雲鬢縮屏顏霜露養寒碧黃
雀若復來我當跨八極

迂意俗多違空林寒彌淨片石自堪語崩崖謝奔競古
人難與期筆墨見至性

老樹古柴門歲晏亦可愛苦徭近煩苛比戶見凋瘵入
口賴烏捷可能長不賣

雨泉乍欲渾煙岫漸知霽復宇無人居陰蘚亦生膩
首盼夕陽蒼翠照天地

未能絕攀援安得不枯槁長松拂寒濤奔泉激污潦幽
人多閒愁浩歎以終老

人生貴學道所樂在得友既有七不堪寧能三不朽松
石亦蜉游天地自窠臼

目寓萬卷書田種百弓秫風雨屋三間煙波水幾曲百
年見太平千秋事已足

一筇五岳還故山嘗笑容芟松過碧岑誅茅列素壁往
往詠新詩千林爲改色

膏澤何難下閭閻久苑枯墨顛非鹵莽筆意詎模糊誰
是爲霖手拘拘尺幅無

水雪孤吟客關河一蹇驢素心應自許玉女好同居圖
取清寒趣炎氛莫浪噓

和無忝枕上示兒輩時麥孫始入城令隨廟星讀
書

日短宜晏眠年衰夢晨起蹉跎老弟鼻鼾勉在孫子沙
渺天地愁汨汨身世事壯志日以銷頽流日以駛不材
空輪困歷節負癭癩高羨摩雲鴻污閔負塗豕天妖警
彗孛星紀倒參觜 縱此祁連筭失豈周髀老眼穿劫
灰枯毫粲神理觸境總成非安違容吾是一生仰末光
四海絕音旨委形在空山浪跡寄塵市死俗惟詩書肆

毒乃富貴孫多或希賢兒敏獨可喜有家克負荷于世
泯臧否太平寧有期偷安念無倚鈔書畢餘生賣画忍
後从相將鼓腹笥聊以續心史

真觀覽鏡篇

我處鏡中我相視總無二一試作反覆觀左右尚各易矧
彼隔形骸安得壹心意生平畏見人見人驚欲避面於
人無非心豈人若是吾不畏虎豹虎豹市鮮至吾不畏
蛟龍蛟龍陸失勢魍魎不常逢霹靂亦正氣深畏在人
羣痛閔滅人義較貪智過狼負穢癡越彘牛鬼與蛇神
狐媚而犬噬天不生聖賢人始易肝肺貨利競崇深網

維益凋敝嗟我此一身於世已百癯衰耳恒惡聞管日
曷忍視孤形苦難藏窮戶宜永閉幸我終賤貧賤貧
無味幸我復衰老衰老且待斃辱我未爲勇窘我不
智呢我匪我愉絕我匪我憶寡營自寡爭靡怨亦靡
雖忝備人倫而不涉人事生死詎無期既福各有自古
人人可思今人人不似淵哉鏡中老自鏡得深詣一見
冥嫌猜悠然靜相示可憐日月恩反照破昏翳幽室生
奇光中夜燭明誓心鏡古今縣人模天地制治亂不可
渝表裏奚容異慎勿人不人因思士懲士毋日我狂夫
顛倒作夢囈

辛酉郡城除夕示無忝季箴

此生六十一除夕故國城中僅十年四海昔當多事日
一家到處少安眠至今隔世身猶在自古空山人可憐
惟願弟兄長白首祇將詩酒質蒼天

癸亥元日迢迢谷中卽微雪迨五六月復太作盈
尺時窗梅早綻恒有雙鳥馴啄其上醉聽兒輩
侍誦放翁詩輒竟夜人日忽喜夕霽招月看梅
呼酒酌雪效其體率賦十首山中之樂僅此耳
寄示城中無忝有襄兩弟並陳三季箴和之

山雪驚春不厭深漫巖埋叟凜森森顏顏借酒方日寢

素髻簪梅耐苦吟紅米節分飼老特碧苔粟喜啄幽禽
劔南詩好銷長夜今古狂夫我獨尋

山家吟夕恒以年
節飼牛老牛畏春

寒而僵惟紅
米節能起之

老夫前歲懶還家戀在僧窗喫苦茶臘尾蹇驢迎我到
山頭牧豎繞邨譁諸孫羅拜嘗分果俗客難來看蚤花
端合閉門搔白髮高巢寒話幾歸鴉

去年米賤復冬溫差免飢寒慰一邨半菽歡餘惟力養
全家貧賴此必存酒能夜勁攻詩壘梅覺春難報雪恩
汝輩應同老眼看千峰玉立自然尊

大笑寒空舞雪忙無端夜夜歷茅堂虛填溝壑成春夢

白戰林塘助老狂城市酒徒償俗節詩歌人愛引孤芳

騎驢醉上西巖望好箇流光古道場

鏈斷流光慧
蘭禪師事

西顧巖前挂古燈松枒竹亞冷峻嶒雙飛白雉閒佳客
一具黃牛苦行僧花落夢回游蝶散繭成思盡老蠶能
至今徒愧峰頭石惟有無情最上乘

吾衰久矣不悲歌對酒偏生幽憤多命駕且須磨我鏡
無家更欲補誰鍋墳簾旣老休焚硯竹帛成灰癢枕戈
好向冰天斲雪窖返魂花亦愛顏酡

黯澹山容接太空乾坤大抵一飄蓬變看裝谷眼猶白
消盡氛埃梅始紅殘卷方爲真老友寒峰共是幾衰翁

逢人切莫狂如雪撲面春來大不同

城中以人日迎春

快雪仍須勁酒來忽驚朔氣解嚴開始知西崦逢人月
新訪東牆顧影梅逸興何煩追夜棹窮閭不信有春臺
偷安那是安心法一寸香埃卽劫灰

楮拙邨煨有異香屠蘇朝薦待誰嘗隔城老弟抄殘史
共覩良朋臥大牀鼻擁孤衾窺玉箸眉開新月委金璫
千秋得失奚榮辱多少羣鴟嚇鳳皇

山窈何妨且入城作詩賣画了平生鄰家酒好供吟嘯
僧院花偏嬾送迎還是癡人堪說夢從來豎子慣成名
奎天氣忌頻晴莫信朝陰與暮晴

積雨春過半劇疾與俱困小霽輒少差作此遣稟

三十韻

春霖厲餘寒哀癘坐沈痼愁花無好顏羸軀失常度尻
輪肆掣裂尾間乖傾注經具十二官官官昧調護脊歷
三七節節節虧荷負子母不相生君臣或相逕壯齒且
難任頽齡豈易措莫覲今和緩空翻古靈素茸霜截斑
龍丸餌壽伏兔海金沙可煎山玉節可濩六味八珍液
朝進勿間暮三楹五葉葭貧病安得富生理此中微藥
物亦外助枯柯蟻蠹繁老屋虵鼠聚不材應速朽無生
已夙悟破院寄殘形孤燈射昏櫺心旌結良衷塵網怵

窘步六十三年春一百五日雨元亮挽歌辭得我病中

趣

靖節先生年六十三
自挽歌與余年適同

亦有五男兒瑩瑩亂驚赴老弟

討方書老妹致珍舖良爰撫我牀親識探我戶夕盤決
乾截朝羹臠鮮鮓藥力漸以申脾氣溫以輸天君本自
湛邪崇曷足懼兼旬忍呻吟邇日日寐寤春艸困沈陰
時鳥暢暄燠開軒舒倦眸展卷得新句有身成渣滓大
化苦陶鑄病欲交病根吾將返吾故

長干邸次奉送吳山賓還池陽二首

隔世再相見何期四十年孤峯窺老筆大地散遺編離
別真成恨行藏極可憐忍哉天地意吾道竟茫然

此會復疑夢寒江那洗愁可知今物理不是古春秋應
念梅根下仍追木末遊箋成舊圖譜望肯寄滄洲

甲子歲鼯于旬日中風日雲月雨霧霜霾雷霰雪
電寒燠陰晴各極其變何能無感也靜坐守硯
庵兒輩率大小諸孫羅侍左右不覺醉吟拗體
十首不復次第

老子在家亦似客羣孫繞鄰爭哦詩梅顏蚤紅媚醉頰
松鬣凝白張枯髭溝窵自甘填我輩乾坤何苦夢兒嬉
漫跌短榻撫長劒休惹新愁仍舊時

嬌春鼻煥徒相催驚得幽花空亂開月淡沙昏布怪霧

風號雪舞驅驕雷荒陞日見麥腳縮野燒夜撲山頭來
米賤農翻不克飽天時人事良堪哀

頻年米賤農不能
畢通賦邨炊恒多
不繼者

上元甲子初逢春上旬丙子還愁人寒犢眠屋瘠無力

羣狼卜路舉且蹲廢邨恒坐嬾農嬾瀉俗轉嫌醕酒醕

還復出門觀事變空蟠泉石養輪囷

山中近
多狼患

五男已饒孫十四儒亦可農農可儒殖德如勤喜種穫

逢人不價視田輸峯巒古爾古兄弟松竹原吾山髮膚

守得迢迢窮谷在愚公靈讓王官無

公松志志披雲羅泉漱涼涼夏玉珂野細穿樵徑語

歸客問市邨籬歌白面貂飲守翠洞紅襦鴛啄登蒼柯

山家寂寂固如此塵網營營將奈何

山洞有老狸玉面
恒月出坐石上

兩兒囊視遊邨邨晝霰夜雪衝朝霞小巫何官臨大敵

人蠖乃欲捲長蛇自古名山人俗子至今太守仰芳花

貧家且歸教子姪荒壟何礙兼桑麻

時屏星與星兩兒
逐隊就試除陽

老夔有兒耻識字勤驅健犢能開荒飢寒那曾困力作

富貴誰不教神傷端合藏身向絕叡何堪矢志悲虛堂

百年子孫克負荷四壁書卷恣翱翔

季兒權星獨能力
田致養故勉之

山暝賺我庭梅開狂雷挾雪揉霜摧芳魄抱枝不忍落

冰心徹骨空如灰咄嗟志士尚失色誰道東皇猶憐才

丈夫枯榮自有命脊勿輕為時所推

霜雪何肯為
誤迫炎暄遂遭雷

侮一夕而萎梅猶不能慎始如此惜哉

情親書至何其苦矣涕零网所裁蕭忍屈信佩諸葛

且佯啼笑追老萊須知為道損又損每歎用時材非材

惟恨東風不解事偏吹虐雪摧枯艾

適得南譙內姪書具悉苦狀

五岳盈囊足畫稿九州浪跡餘詩篇空山容我老樵父

塵世任人呼散仙不陌不阡或有以半癡半黠將無然

吟罷夢殘醉亦醒此意安可令言傳

二月授經于白洋河勉應平遠公之招書懷

生平畏檢束不材全其天老復為經師自顧良可憐忽

來河之濱主人古豪賢傾懷在前代夙好相綿延為我

飭講室為我潔饗饋戶外卻鳴騶座上聽雛鷓兀首此

癯瘦局脊如羈猿憶昔潛故山力飢守墓田亦嘗困傭

書潦倒十餘年投袂事遠遊齊魯秦晉燕慨嘆不如歸

寢蹟終止園登高發長嘯健戶時酣眠啜墨貌雲山易

米就井廛屈伸在能忍飲啄多所便昨秋客舊京載筆

徵遺編虛名不可啖信史誰當傳今春迫遠棹黃河流

濺濺千里不見山四顧但長川溯洄多狂瀾瞻眺迷荒

煙素嬾不暇嬾放顛難為顛徒羨雲中雀何求堂上鱸

脈脈裏去就子子思騰翥安得抑崩湍而以歸澄淵委

運觀大化壹氣還自然

喜雨

河北復春旱二麥頻無秋北民歲在麥歲失將罔投飢
雁無力歸低徊碣沙洲自茲千里外行旅多夷猶無室
不罄縣何以爲生謀風能弭剽竊矧敢厲追求側聞道
路言翠華欲東遊謂海竟不波謂河竟安流何當跨八
極行將隘九州秦漢未足齒唐虞亦匪儔或卽肆小肯
烏足爲深憂老生聞此言仰視天悠悠昨夜雨忽至推
枕聽簷湫个晴亦自佳對色驚芳柔薄言上大隄一嘯
以散愁

憶迢迢谷中山花歌

山人居山忽失山瑩瑩四顧無可攀老眼看花愛滿眼
一春無花無好顏昨夢山花遍山裏人去山空花欲殘
平生知己少至老始終誰似青山好到老轉與青山違
花落花開傷不了年年種花山之幽山惹別離花惹愁
花若與山兩無恨人在山中花滿頭秋來叢桂復叢菊
秋花那比春花柔君寧負春莫負秋秋不還山花亦羞

暮齒

暮齒卽窮途狂夫忽腐儒春風看坐失山月夢來孤微
纒何從展精華遂爾枯療愁方不驗日日念文無

河隄夕眺

茅屋葺墻水作鄰不岷不鄩寄河濱三春四望花無影
空讓長隄柳獨新

自古河渠禹跡荒傷心氣是水雲鄉東南民力窮輪挽
多少颿檣蔽夕陽

窗槐有鵲頻欲來巢不及成而去

孤槐鬱北牖雙鵲戀南枝似欲巢難定應憐客苦獨知

來焉足喜飛駁已先疑燕語何堪共休煩戴玉窺

淮南子云

乾鵲知來而不知往陶貞白謂鵲為飛駁以色間也
本州云鵲啄槐實結玉于腦戴玉之鵲與燕同羣

楹間籠鵲

不解藏身善翩然失舊叢一歸人把弄難免世牢籠

志曾何益爭場若爾雄微軀戕飲啄豈信有冥鴻

白露後淮

北羅羣鵲擇其雄黠者浴而把之經年
不敗者養之入籠曰籠鵲相競以為貴

長干一枝閣酬苦瓜和上

桂林全州人
善畫能詩

鉛鉤潭邊月康僧塢外雲一枝真獨秀萬里得同羣

筆扶鴻濛破崖空虎睡聞攬衣還灑涕江雨白紛紛

畱得眉毛在休言有別傳安巢不擇地到處好支天每

對清湘老如親濁酒賢寒巖存一片期爾聽鳴泉

雨洗璫璃塢雷驚舍利鳴短墻扶老樹破榻倚孤鐺
畫

到山無色吟殘筆有聲相過撰杖屨世外特縱橫

出世既黃蘗全身復苦瓜祖宗恩果大兵火劫難遮松
種何時老茶香卽興奢霜枯吾再至醉乞寫黃花
曉霽夢忽破硯雲猶未乾更思窺野閣還共數晴巒將
欲叩舷別相期掃石看隔江樵斧響應憶碧巖寒

青藤道人竹石偶得之青谿肆

清狂一片田水月丰骨不亞文湖州狼藉世間人不識

翻開殘劫掃新愁

贈宛陵梅定九

定九精曆學所著有曆學通攷

老愧無專學思君曠絕倫精能探日月深足貫天人藏
要術悉用著書豈厭貧置身河漢上寧復問通津

沈天士以其兄崑銅先生土音集見示追悼二首

盛名天所惜黨既古來傷弟在豈非幸家亾亦是祥詩

歌流浩氣鬢髻助方欲作登臺慟神山黯夕陽先生之夫

人方及注鮑二雅皆從容殉節甚著

竟亦招難去惟應繞故宮夙依方正學生笑鄙林宗絕

世狎狂日全家義烈風游仙忠孝跡音響更難同先生

禁中苑藁葬于雨花臺畔時以土音集與黃介子小游仙詩合刻以傳

過胡星卿先生竹園悼之

土莖茅亭閉竹關一生蒞帽愛尋山客秋蟹饌猶同醖

今日人歸竟不還荒徑幽花空夕照滿天落葉警秋顏

始知老健真難恃風掃霜林碩果艱

借杜些山登蟲天閣

野閣最藏秋相將寂莫遊山荒舊紫氣客醉老黃州桂
落香猶冷松枯節更畱江天旋轉看何必怨東流

畫巖居圖

不是真逃世懸崖誰敢居攀援全不到磊落更何如松
臥雲爭影泉飛玉碎虛自嫌心腕在習氣未能除

贈鄭瑚山集杜句

時繪江南省輿圖分畫其夜

郭公瑚璉器洞達有清識學蔚醇儒姿風雅共推激岸
然大賢後其父寶水先生早通金匱籍行行樹佳政書

地求所歷天下今一家戎馬日衰息画滿地圖雄登臨

多物色川原分渺冥曠野迴咫尺刻畫城郭狀殷殷尋

地脈宗匠集精選冰壺動瑤碧堂上指画圖一一當剖

析吾衰更嬾拙且隨諸彥集明公出此圖前途猶準的

罔巒相經亘安可限南北渙然立新意誰竝百代則於

今面南斗不知有主客

時議改古輿圖反以南為上

雉堞紛如雲列

郡宜競惜粉墨形似間事跡無固必炯炯一心在多慙

病無力真骨老崖嶂谷口舊相得游目頰大江雲氣生

虛僻

甲子除夕前三日雪大阻城中寺邸不克還山與

諸僧守歲作雪德歌

歲徂江城駛無跡三夜雪深三四尺山驢期迎山客歸
僵墮雪中竟沒脊寒寥窮年外趁口漁工寺中挂筆斗
畫師不是無心學世外閒山落吾手此寺伽藍張文昌
寺為張司業故宅見宋賀方回集老夫誦詩僧焚香東寮住倦西寮住
頻移藥臼依經幢在城在山亦異年年今夕昨日事
盛雪若此或有意莫問主何災與瑞但愛雪德難與爭
不平能平虛能盈以淨覆穢自取厚色飲衆色聲無聲
終夕在城疑在野几響盡寒寒灑灑靜聽詩成一整裾
燭地皎窗光四瀉

乙丑元日立春雪寮靜坐如山邨再頌雪德示
麥孫

萬色不能奪皎然塞兩間萬竅不敢啟悠然圓以閒城
中此高工繁囂溢塵闐晨鑿與暮角觸聽那得刪市兒
慣嬾歲燧礮競難閑今乃獨異夕耳寂怡枯顏因茲測
靜理民窘聲亦慳誰知雪德厚應已昭時艱封納大塊
氣攝聲聲不姦方解冥聲聞端足開愚頑元春值歲朝
百年遞轉環豐潔兆豆登庶可蘇痾瘵高柯歷不搖凍
鳥匿未還吾孫慕吟諷吐音猶關關何當剔展齒扶看
城頭山日甲午歲

四日甲子新霽

且晴主豐農
家占皆云

爽氣欲增色同雲方解嚴果能回令序先已叶豐占幽
慢花迎榻晴階雪迸簷負暄真嬾出對影拂凋髯

餘生詩藁卷八

山中蚤梅

歷陽鷹阿山樵戴本孝



山雪没人跡庭梅待我開此中山是主客意我同梅影
若嫌春覺香能惹月來盤桓不忍別酬爾祗深杯

譯鷓音三疊

有序

黃離見于大易好音詠自風詩是以流若笙簧
不過形其覘皖至于俗堪鍼砭更宜聽且和平
當其遷出于谷中時輒建還于陌上聲聲斗酒
兩箇只喚雙柑噤噤清歌百轉頻難四譯然彼

雖候鳥驗之各有方音思此以古禽通之可諧
近調聽之清以越綿且疊審之和以咽悲且切
僅叶其可辨者譜爲三章聊寫無窮之感尚遺
其難稽者歸諸萬籟猶餘不盡之音云爾

何不歸去

何不歸去何不歸歸何處空山鶴鷓嘯無數大澤長蛇
蟠上樹據我巢那敢住啖我卵那敢乳噫何不何不歸
歸去去可懼噫何不不歸去

噫哀去聲

去沽斗酒

去沽斗酒去沽去沽陌上有沽一斗醉一斗我當歌石

鼓缶得在手莫離口斗酒且娛樂天地豈長久噫胡爲
好醜不如速朽噫印須我友去沽斗酒

知其不可將奈何

知其不可將奈何斯世不可何其多伐之恨我無斧柯
卽持斧柯行江河期依荷芟斬逝波飢而荷戈長悲歌
嗟我悲歌羣見訶奚爲伊阿相附和噫知其不可知其
不可不可將奈何噫

示學画者

山體本蒼溟山氣更超忽雲靄其衣裳艸樹其毛髮木
石如幽人奇節挺異骨天地一法象筆墨萬理窟秋窗

動高襄仰空何咄咄

是秋山民頻有虎患自來所未有也聞之愴感賦
以紀災四首

誰信年豐苦莫倫異常災患更來頻怒蛟潰嶺秋漂稼

饒虎窺邨晝啞人民瘼可知苛甚猛客愁不為病兼貧

自憐白髮空惆悵况說黃河久汨陳

相傳河決為患甚厲江南北山中多

發蛟害稼

白面山君醉更威虢時落木滿山飛田家為此難安枕

天子於今愛打圍藜藿盡荒人不采稻梁空賤國焉肥

西風嶺外殘陽裏相戒邨孤客莫歸

何緣羣虎渡河來豈果仁風感召哉缺處誰徵多李耳

化身近不少牛哀窮黎苦肉偏堪飽俛鬼甘心橫致災

轉是山農解修省邨邨巫鼓痛如雷

虎食一人耳輒生一缺未審信否

猛獸橫行幸在山何嘗逼處向城闔噬驚人首猶知悔

驅驗神符或可還勢避負嶠誰貫石氣看生翼獨當關

祇今健戶真良策觸日危機莫等閒

相傳虎不食人但見應食者惟若肉

耳食至首足即驚舍去入山驅虎符見抱朴子

聞淮泗間水災感哀

東南藪澤歎遺黎頻有龍蛇恨決隄河伯勢翻驕海若

雁民苦莫念雞栖怒濤尚捲菱菰爛平野安容禾黍低

壅蔽若同疏鑿論何妨沈陸告元圭
爭言清晏屬當時飢溺何堪禹稷知
深淵故縱巫支祈涸虞潛聞艸飛挽
誰信人家淮泗上羣栖雉堞養驢鷲

一画中雜感

雨尚能逃俗莫逃從來鴻鵠愛高巢
誰道縣崖著屋牢
浮家裂盡芰荷裳鷗鷺尋盟向夕陽
離騷讀罷滿天霜

誰耽寂莫倚崖居過眼雲煙費掃除
高峯雨過倏成雪曠叟雲流渾似波
一毫端已現山河
不枯不苑轉蕭疎

乍濃乍淡山合雨如斷如連雲貫松
房山顛法恐難同
老迂眈睨空今古不信林間猶有人
應憐到處有迷津

誰似離奇古樹根巋然千載更長存
使我摩挲鐵幹痕

西岳廟青牛抱槐二柏

嘗愛谿堂雲欲起一時林岫有香光
畫存此意筆難盡

身入畫中窺杳茫

碧岫丹巖澹落暉空齋日日欵荆扉主人應爲尋詩出
庭雀歸來猶未歸

老于筆墨關情性愛爲巖龕露肺肝五岳歸來形已換
踏翻碧落白雲殘

前身錯用爲霖手畫得雲山不解飛仿佛莫同高彥敬
淋漓嘗笑米元暉

峻嶺高寒不能上幽巖深翠良可居但宜無事祇飲酒
爲耻虛名嬾著書

潮花猶肯隨時減官賦難教不歲增欲寫田間真疾苦

牛車賣換架魚罾

靈湫欲合千巖出古雪嘗從六月看添取華原真鐵崖
高談六法逼人寒

鄰僧送瓶菊

賴有遺芳冷聊供老眼看英思合露啜香忍抱霜乾孤
枕夢猶戀清樽醉敢闌飄零黃葉下空憶故園殘

謁正學方先生祠墓

石子岡頭煙艸昏獨存祠墓莫招魂六朝那暇追遺恨
十族皆爲大報恩江水豈能埋日月塋燈偏想爍陵園
至今瓜蔓枯霜檉痛哭登臺不忍言

靖難十族謂之瓜蔓抄

長干襍感

前岡雨送後岡雨近寺鐘呼遠寺鐘廢刹荒臺那可數
蒼茫一望幾殘松

君臣父子共乾坤說報深恩反報冤九級浮圖騰劫散
空雷煙樹鎖黃昏

忠臣肝腦日星光挺立焚身向夕陽天遣龍雷收不去

神山金氣黯然傷

龍雷頻欲損增凡四五度矣

五色瑠璃七寶煙影穿樓隙倒香蓮紫金光聚難收攝

驚得凡僧不敢眠

瑠璃增影五色可變在僧北樓

年年薰煇課堂開碧眼番僧遠乞齋舍利原從康會得

何緣又待鄭和回

松院蘆篷布幔張繁囂襍肆看人忙當時懋密難牽馬
今日亭荒好牧羊

香厨油庫近茶坊游僧爭趨說事場聽盡金陵多舊恨
更添新恨恨弘光

問僧多愛老夫狂勸我冬暄解硯囊學画人來供夜話
黃茶白酒黑甜香

哭苗湖從弟時姑谿逆旅疾革歸河邨而歿

我自橫江戴雪回忽驚斷雁一天哀沈疴久信身為患
客夢空勞念未灰憎命文章何足恨不情天地那堪才

衰門更有而兄老生死間看酒一杯

記汝初生白下時孤螢力學鎮相依顛連茗水兵戈
拮据苗塘婚嫁遲年過艾來愁病迫藥嫌葠貴受貧
空憐樹老偏枯在雪壓風搖那得支

謝慳居餽精米糟笋

物外人偏愛画松嘗從木末倚高筇伊蒲分供冬春米
提榼香蟠醉籜龍

就訊陳三季箴疾賦以慰之

天地亦恒病陰陽更變和徒翻千劫夢空爲一身多
踞偏同類彭殤總逝波人生既若此爾意欲如何

耽病尋閒趣浮生且靜觀心淵真瑩澈道骨已堅完全
石忘年好詩書晚歲歡不須求外藥此意足盤桓

至采石訪舫翁不可得悵然返棹不能成寐

伊人欲見不能見此地應畱無可畱誰道山靈知夢客
休驚水怪起煩憂江山已廢雍公廟詩酒空存供奉樓
乘輿果然還興盡石尤仍想虐虛舟

初聞君下龍江去旣始知猶滯敬亭書著可憐誰解讀
吟成那得我來聽古心難見首空白今日相思山更青
滿眼浮漚霜汛縮披衣危坐數晨星

翠蘿山陰有惺堂道人結茅其上偶憩題壁

結巢隨地勝山淺
愛江深四面松陰合
千峯雲氣侵人
從塵外看身向
画中吟他日西巖
月相期印遠心

冬温

冬霜失威柄
百草狎餘榮
蟄蟲不塞戶
候鳥相乖鳴
虎狼當路游
魑魅白晝行
天道雖無爲
時令奚有更
宣泄與閉藏
顛倒難與爭
端居自省
讐聊以窺
虛盈

題一枝

攝盡千峰祗一枝
從來不被白雲欺
此中多少藏身處
欲指前津世轉疑

突兀霜林露一枝
破崖老屋苦吟時
苔深路澀石頭滑
月落煙昏洞口迷
截斷狂瀾柁一枝
隨風挂席欲何之
翛然來去無今古
任向雲天自在吹

那得安巢有一枝
坐殘千劫未開眉
試看古紙毛生處
可是須彌露頂時
到處枯錐卓一枝
一番世界一番癡
生平破硯真毛髓
相對淋漓不厭奇

匡廬謝生索題

拂起雲根翠
通天名山應自產
名僊何煩塵尾調
真性別有松心照
古泉慧業此生何
不可澄懷到處覺
悠然

巖廊轉慕煙蘿好千里襟期雪夜船

臘日始覺寒至率賦

深冬奇溫春莫別昨夜西風勁刮鐵曉窗寒日淡如月
忽爾媒褻驚栗烈威令一正矯廢轍天道庶幾不乖越
暄炎相藉爲玩愒網維不張將缺鬮老夫憂天恨未拙
晴簷負曝雙耳熱

除夕前二日雪霽還迢迢谷歌

衰境迫人似殘臘客身去雷罔弗合去年漁正雪留我
今年雪意仍拉匝山中黑衙來相迎延耳雪歷向我出
羣山念我久離索西風波

塵世頓疑天地改前途失足深淺迷對面山容倍精采
冰礪泐流琴筑鏗松嶺霽霞綺繡明雲乾成滓太狼藉
玉躡爲泥過侈盈引入瑤池坐璫宇萬叟蒼虬揮玉塵
巖前白石不可數小者如羊大者虎叢竹捎雲作鳳舞
翔雀羣歸繞冰柱白石天中誰作主西顧巖間老樵父
惟願兒孫騎白牯莫向人間賦鸚鵡君不見塵世人徒
庶庶一中功名富貴毒入骨不覺顛倒笑與哭兒孫免
此寧非福

雙義牯歌

是秋虎荒山農苦路斷行旅邨閉戶遠田稻落不敢穫

到處驚聽人說虎虎窟近在雞籠鄉田麥仗膽開稼場
家養一雙玉頂牯鐵角橫張七尺長穰稭初攤滿場面
雙牯礮碌千鈞轉黯澹西風曉日黃虎氣腥猛忽形現
竦脊豎尾直窺前麥魄驚仆吐冷涎雙牯拒虎爭蔽麥
復苦礮碌相糾纏一牯怒立奮脫軛虎爪搏空牯額額
一牯礮碌飛旋來迸掣奔虓氣赫赫勁敵當場戰不開
牛力虎威相摧排虎舍麥却牯逐北虎空爲暴牯勇哉
力田誰家不養牯那爲年來禦猛虎人心物性天相通
施報何乖嘆今古雙牯救主主不憐朝格虎去暮耕田
力竭心枯仍見殺忠臣良將古有焉

丙寅歲朝踏晴雪坐碧落精廬竟日夜還守硯庵
偶讀蘇文忠黃州東坡詩八首慕前賢之風槩
感吾生之蕭騷愛而和焉庸勉兒輩以暢老懷
依韻八首

此山昔未開滿眼榛與蒿先子嘗登嶺四望心獨勞謂
此人所弃舍之將焉逃礪礪田中石雖雨亦不膏但期
斲山骨可以長谿毛鋤荒四十年麻麥如人高

一丘已可老四方復奚適山風飄松子林霜拾橡栗婚
嫁亦粗完薪米庶免乞子孫雖椎魯身心勿放逸夜卷
照繩牀朝未架土室堅守得安處輕舉在安出伸手握

浮雲自信未敢必

面峯啟南榮晴簷俯衰背幽興杳然生至樂豈有艾干
山擁歸麥四時足嘉會昨來萬里雪冰天結一塊墜入
蒼松裏不出白雲外邨梢愛孤冷林空掃叢蒼薦椒尚
有餘傳柑已莫在何以餉羣孫新詩當春鱸

西巖抱精廬松竹那可數元朝雨樹稼

是曉雨
松如霧

豐兆自

古語竹雪僧嬾扶折節不勝舉老松凍鬣張鬚鬢綴冰
縷砌桂屨成團崖梅傲橫拄簷牙倒明戟樹鏃散花雨
胡麻鉢滿盞黃精脯登筮柏子香生鼎菜甲翠出土羅
拜奠山龕歲祀僅如許

支泉恒易竭瘠田恒易荒乘時不努力及秋安所望荼
蓼朽且烏禾苗茂且蒼歲功隳慵惰天道喜勤昌能爲
力田虎何待舞商羊我老難學耕農詩誦不忘

良材細芟削貞珉細磨斲所忌在鹵莽所貴在精慤艸
中山蜥蜴尚能致電雹何況躬稼人皆古賢聖學力養
事隴畝存誠貫川岳屈信自逶迤行藏更孤犖不見淫
夸子心慙面先渥大璞隱白虹何嘗露圭角

自入迢迢谷遂遠西河邨守此黃茅屋蔽以赤石垣初
喜近祖墓後乃長子孫書聲嘗出戶山色空擁門窮交
不用絕戚黨稀過存負薪與織屨皆可致饗殮自古沈

淪者難爲薄俗論時命曷敢乖莫謂他人昆
生當死窮谷倦游已有年老耽山水趣閒貪筆墨錢因
思吸畫隨聊可膏硯田蝸角豈可吹龜毛豈可甞自知
妄且癡訊辨愚與賢削鍼想鑄和世人多萬千

題精廬石壁

結此廬成又十年松間雲雪竹間泉何時長共野僧住
終日閒聽山鳥眠此願易償還易失他人難得更難人
回頭卻顧西巖笑多少縣藤斷復連

山中新月

山月何其新笑人空易老山夜何其長殘燭更難掃

影下東窗似嫌月落早雪影凜西峯欲助清夜皓月來
雪未去雪留月豈惱萬物寄兩間何醜復何好默坐焚
山香寒肌按蝨蚤

人日卽事遣興示鉞星權星兩兒以其服勞也

元日到人日亦有不陰時相逢山中人且作喜晴詩老
性不奈閒幽事恒追隨大兒檢藥囊所斲戊己芝黏若
白鸞髓茸若蒼虬形濯以雪泉乳煮以槁桑枝初春玉
作泥漸鍊金成脂霏激氣籠鼎蜿蜒香蟠匙露之收夜
魄曝之承朝曦餌此數十年扶吾隨所之兒貧孫且多
身老心益慈山家塵事少良夜孤暝遲宿蟻竭芳壺潛

鱗索寒池此樂在今日他人安得知

庭梅嬾開詩以促之

寒山起伏若蒼麻殘雪點作梅花斑白雲頻欲洗之去
明月獨喜存孱顏庭前老梅不肯信似被雪瞞開意慳
山客在家且難看春來客去何時還

城中元夕悄然

澹月妍春夕荒城黯歲澄繁華空易歇物力已難勝縱
酒思狂客焚香對靜僧年年衰眼裏消長有何憑

春寒邸次雪復大至

春力嬌仍淺寒威勁轉深返魂梅未醒守伴雪還侵互

硯冰難釋澆顏酒屢尋城烏藏野食果爾驗恒陰

舊雪不融

俗謂守伴烏鵲藏食主陰寒

新舊雪相戀披簷更歷眉嚙之生少借臥乃外堪疑斯
世道誰見古人天自知老慙温飽在危坐起深思

朋舊

朋舊諧衰鄙春盤取次招飽先辭過午酣且謝深宵寤
俗慙相逐尋歡信久要居今論古處自笑亦無聊

題四時畫長卷四首

山窗乍弄晴雪硯漸解凍寒靄杳欲浮幽巒意若動不
覺理閒筇探裏圖舊夢老筆別崖脅枯墨渲石縫生平

卷八
三
一會生詩集
舉古芳梅花手亂種多事結茅齋誰可共吟諷遠心侶
獨雀抗志感飢鳳荆扉畫不開石磔步難縱谿確奔流
激野航挂席控洗硯去修袂何當倒春甕

春泓含雨氣濃陰昭林莽開樹湖山間薰吹自流響嚶
鳴如有求避炎復寡黨菰蒲渺遙黛沙礫蔽阡壤翻開
白石天雲乳豁塵網飛泉亂玉簾奇峯列金掌縱目足
激觀冥心恣遐想仙凡原不隔筆墨與俱廣一切有形
外神理絕言象西師破鴻濛此道訊鑽仰

秋山淡而冶杉栝青丸丸柴局向山椒艸閣憑雲端何
來蕭散人孤吟如鳥寒詩意若自得松霞良可登巒絕

雲欲連邈邈何能干霜淑浸衰柳月舸橫清澗杳冥望
不極探討應獨難生平愛寫秋青蒼交噴岫展卷得真
境隱几聊盤桓埃幹本無法吐瀆隨心觀

古易本歸藏洞壑皆通氣老筆畫之穿大得坤乾意大
哉造化主今古見餘智一篋窮幽隱思出世間世寒山
黯澹中春風蘊藉義江山吐異光林泉有高致西師鄙
純夫父子古無二昔人論六要末學狃三蔽偶爾寄老
興不了了無異希惟道眼觀豈曰吾能事

和无忝梅花

祇合山邨種作籬那堪驛路引枯枝若非古調難傳信

偏是今春晚見知孤傲可憐聊玩世羣芳爭笑不同時
老來更覺支離甚嬾向東風怨所思

和季箴梅花二首

生來蕭散寄疎林片片寒光豁素襟
瘦覺煙橫疑落魄肥因雨綻始開心
餐從嶺上分瓊乳寫向谿邊動玉琴
莫嘆先春便搖落和羹應待蚤追尋
時季箴尚在疾中
縱橫不覺老雲泉那處吹香播遠天
風裏落花多變調月中放雀警清眠
心惟真冷方堪隱夢到無塵已是仙
相對繽紛滿衰髯吟成且共譜鳴絃

春月

始知春月愛春深望到深春滿素心
雨氣盡隨花氣散暝煙合共曉煙沈
對容老眼終殘卷獨戀芳樽拂舊琴
昨夢故山松裏看輕筇細籟帶微吟

王汾仲請作艾谿圖其鄉山也

老念故山好頻驚客夢殘應知身外意
欲向畫中看樹暝邨煙斷谿春閣影寒
隨君歡趣在筆陣滿江干

三山浮閣題畫襍詩

太古巖前獨倚闌濕驚雲靜石林寒
何來此境誰偷得更許虛舟天外看

乾坤賸得團瓢在老樹寒鴟共一家
却笑幽芳藏不住

前生我亦是梅花

題胡致果尊甫前中翰日從先生九十授經圖卷

十六韻

惟君真靜拙是以能守道晚乃與之遊蚤已露幽抱傳
家在春秋籌國蘊忠孝竹素金石文頡籀味壺奧後世
矜符璽盤螭謬秦暴曾以斯高智敢爾侮典誥江南憤
往事覆轍痛屢蹈聞君先中翰絕藝挺孤操借獻大寶
箴愚忠豈希報自此匿小樓畢世一皂帽老眼窺天海
不覺遂耄耄至今思前民猶尋覩遺貌市門仙可隱菽
林名益噪父子美蓬桑友朋申紵縞大節旣炳焯奇
更兀昇軼史尚可徵何堪不以告

柳愚谷借影樓四首和胡叔理韻

豈知藏市裏樓亦似舟居委巷家偏好新詩畫不如凭
欄朝爽入卷幔夕陽餘不盡濡豪興紅蕉自種書
樓外影翁借樓中影借翁影緣相借好樓更許誰同歆
樹嬾聽雨疎煙能縮風欲來親硯席迂拙愧難工
自古秦淮水蒼茫無限詩恨追慚我老歡悔逐君遲尚
復憐桃葉依然唱竹枝登樓還一嘯良友共良時
夾城浮塢靄表裏盪煙樓別榭花爭放鄰磯釣不收探
奇多往蹟引勝好來遊不減元龍氣何妨斗酒謀

題谿山心影西卷贈艾谿

噫吾降自熹宗元當時國步那忍言童昏之初不解事
但聞父老增煩寃長櫻疾患歷多難仰天癢卷發長嘆
書生帖括良可耻滿頭髮早如蒜少年聲氣不覺凋
荒谷朋好惟耕樵傭書學西博饘飴登山臨水隨飄飄
江頭王郎艾谿麥齒與我齊同不偶隔江對面心波開
形影相須空白首四月我自橫江來三山雷電驚喧歷
君方凝睇江栖閣忽聞我到顏先開兩人足跡半天下
四方金石老益寡一時洗硯江水黑八法六法恣清灑
君家莊楷舊絕倫碧眼青燈炯若神半面六角輒千字

天機雲錦何鮮勻賸取谿藤著我畫枯皴淡渲嘗不暇
世上山川總是塵別向毫端窺造化舉俗休驚二老狂
古今甲子誰義皇百年且復供遊戲一息江天萬里長

贈胡叔理

爾讀藏書不下樓十年萬卷四方游蹉跎薊北空燕趙
落拓江東薄應劉壯洗六朝張壁壘貧當千古傲林丘
麟經傳是屠龍手說到文人事可羞

昔者長安識識手... 公東... 不可... 謝時... 息... 天... 萬... 里... 具...

餘生詩藁卷九

歷陽鴈阿山樵戴本孝



久滯江上大兒鉞星馳省留侍旬日遣還藥肆兼
示山中諸兒

橫江東下夕陽孤爾峭帆來省老夫麥熟谷中粗得飽
藥餘邨外嬾償逋我箴到處佩司馬兒輩何須慙命狐
肯信天山真浩蕩亨衢翻覺是窮途

贈龔半畝

古人真蹟不易見塵眼尤難辨真贋真山原是古人師
古人嘗對真山面我游名山四十年蓬頭繭腳凌蒼煙

山川氣骨坐黯澹誰能洗拂還青天六朝習染在靡輒
嫵媚江山眉黛淺一老高眠虎踞關巨筆崢嶸不卷轉
隔江遙對心相期寒裳入夢思從之慨嘆尚及向千載
何必古人皆同時本來交象寫心境六法各現河山影
秋爽忽上清涼臺對君如對秋山冷旣見兩心總無隔
南山北山誰主客冰寒于水青出藍羨君門墻迥千尺
官子磊砢筆吐芒支公巨師同辦香淡山老樹画遺我
異光夜照山茅堂我愧枯毫掃焦墨窮命荒天恒歛色
亦將焚視恣天游且此狂歌露曾臆

江干

日日鍾山看落暉陽狂江上竟忘歸不知孫楚樓何處
空見當時白鷺飛

三山浮閣曉望觸感

秋來江氣曉尤清小閣幽窗四望平青艸池邊黃稻熟
綠楊陌外白煙橫勞勞夢冷人空老得得閒看画不成
忽聽隔江蝗蔽野憂天寧免客心驚

秋倏將半思還故山東艾谿

今年老及倍相憐勸我聊貪賣画錢信手雲山徒汗漫
孤心江月且流連風搖破閣殘燈黯露浥荒墀野卉鮮
去住偶殊看往蹟虛名曾不比浮煙

家在玉真峯裏住東風香老歲寒天始知服食無多事
一味梅花卽是仙

老樹風欹意自疎懸崖敢復有誰居流泉曲折成迂性
未必前人不讓余

鱸膾西風思更長移家期卜水雲鄉好同谿客修漁具
酬倡千秋醉夕陽

露篠霜柯靜掩扉閒開曉閣客初歸白雲那肯同畱住
惹得縣湫也欲飛

金掌寒擎青菡萏玉虹飛擁白兜羅神仙闕得藏身處

被我真形露已多

雲影濤聲十里溪高齋納盡翠微陰孤筇上下閒來往
吹散新詩到處尋

半江雙峙碧崔嵬天外孤颿獨鳥飛今古東流忙不盡
一竿閒殺釣魚磯

似向剡溪放棹回柴關溪閉小窗開却驚謝女吟中絮
翻入吾家畫裏來

蒼澹峻嶒秋氣尊却誰策杖訪高原雲來排闥皆爭入
不怕溪山老閉門

江南歎嘆

客院西檐厲秋熱向夕古牆足老蠹卷尾曳鈎伺門闌
肆毒著人膚若燕卒呼毒痛痛益劣呪之熏之毒少洩
不若飲痛且莫說蠹仍守我思再螫燭而捕之可立決
以毒釁毒毒卽滅北人見蠹便手挈去其尾足輒生嚙
江南何緣播毒孽藥裹包藏種難絕壺蠶縣蠹徧荒樾
射工含沙向湫缺螂蛆入腦據爲穴螻蝻嚼骨封作垤
飛蠶跳蚤噬腥血土狗壁蝨恣穢餐小能害大太貪竊
矧伊虎狼不猖獗天地生物寡分別羣爲患害亂乖越
君不見怨毒在人更覺烈次骨入髓堪咋舌吁嗟乎外
物之選徒屑屑

逋臞子移居漁止前市老尚艱嗣近復鰥而擇耦

戲爲之贈

烏哺城阿每擇栖漁止老樹養寒梯已知今古天難問
惟有逍遙物可齊散屨堪臨山寺近攤書且夢小樓低
頻過絮語田家趣舐犢牀頭祝乳雞

寒月二首東盛四榻窗張三屋舟

寒月令人遠孤懷柰我看光穿雲雪散聲度雁鴻殘酒
恐尋歡失花應取媚難淡交真似此相對夢竟安
生死故鄉月盤桓五十年栖烏爭寺樹飢雀老江天白
髮無今古青樽訊聖賢不須論顯晦岑寂祇孤懸

晴臘喧妍特甚復借盛初窗正如升劉恭乙過張
屋舟痛飲步月漁正時紅梅盡放二首

寒盡今年月宜寒不耐寒乍驚銀漢歛更覺碧虛寬細
字書仍把狂歌酒忍闌眼橫天地外江氣白漫漫
老憶平生月幾交歲晚圓紅酣千萼影碧透一城煙環
轉流光態舟旋我輩天始知春可借相顧莫茫然

山齋月憶王艾谿

江月小窗裏茶香夜靜時客應方散座君正好臨池細
引烏絲格爭求黃絹碑久期分贈我潢治敢教遲

守硯画册題示屏星各家法十二首

巉巖有樵侶遠浦隱漁郵澹宕原無意蕭疎若有痕藏
名羞不蚤失足悔何言今古人間事漁樵分外尊
幽奇天所闕筆力有何能崖腹懸淡乳松身學怪藤雲
搖峯不定雨過雪初凝冷性真如石休慙法忍僧

閉門淡竹裏滿屋野梅香林氣黯猶黑山顏爽更蒼輕
橫仍淡靄遠掛尚斜陽忽覺鹵風急鳴泉噓曉霜

筆墨難違性雲山那媚人迂疎猶近道瘳硬每通神求
損復何損尋真惟任真藏形茅艸屋更喜本無隣
霖雨起巖麓凭闌發嘯歌松杉垂翠蓋泉石曳鳴珂蒼
潤侵衣袂黃昏理釣蓑夢回驚洗硯數問画如何

秋心極遠目欲共瀑俱飛老樹擁寒屋孤亭戀舊磯崩
湍誰撥棹罷釣已忘機久不聞長嘯應知鸞鳳希
煙渾欲無跡秋妍疑有光泉幽音寂歷松翠影蒼茫小
閣能藏月寒花肯耐霜閒吟吟不盡徒倚向繩牀
古紙水痕漬枯毫山影生白存雲意在黃借石紋成峽
斷連苔屋亭虛駕玉泓仙人載樽酒聽雀且吹笙
欲破縱橫習淋漓太放顛何妨龍尾渴更向虎兒傳渾
噩乾坤氣蒙茸煙雨天精華歸黯澹枯稿最鮮妍
畫是吾家事當時問范宣南都圖舊賦東晉有遺賢古
蹟雲山壁芳蹤雪夜船學之良有益琴失已無傳

可似平天矻媧皇補未完雲流支不起松肪好誰餐古
屋猿來踞高空雁過難尋常論畫理豈信此無端
不改山川氣誰知天地心飛來真皎皎著處總森森色
變污全去光凝威更淡期存吾素性噤悸向長林

東山行

偉人一出江左空千載臨風懷謝公我來徘徊不忍去
東山屬望誰能同天生公輔自有待餘子錄錄何堪逮
公方四歲桓彝歎謂當不減王東海此客豈疊來逼人
王濛父子驚絕倫當時夷吾亦器許天懷那得如公真
怡情正豁恣吟嘯晉室勲名幾周召遠謀但狎支與許

熨腸且讓侃與嶠不出將柰蒼生何東山偃仰高嵯峨
此山至今鎮以靜空江落木委透波濟世嘗裏出世意
始終不渝東山志擁鼻學爲洛下吟文雅滿山昭幽翠
清言莫謂盡可刪尋山恒傍冶城還晉代風流乃如許
宋室休言王半山

偕盛初窗葉季良入迢迢谷觀蛻峽牡丹

春老晴酣亟看花江城看徧看山家瓊姿合醉碧巖裏
古錦爭裁麗日斜最恨凝粧成結綺何妨新雨沐流霞
休憐窮谷餘芳艷還賴松陰桂影遮

石闌左右皆松桂

梓人端木生索余西園題以贈之

磊砢旣如此蕭森亦復然偏從炎熇日爲寫歲寒天
梨棗災恒見錐刀技獨賢雅山聽伐木賴爾幾能傳

立夏前一日同屋舟阻風鉞魚嘴

老眼懾江波如公欲渡何送春潮勢長泥客雨情多古
岸頻遷改新鷺且和歌狂瀾方若此誰不坐蹉跎

過銅井訪陶流舊逆旅主人呂寥家見其少子呂

六尚在已貧且老矣感歎良久賦別

當時鼎沸國若狂志士忘家輕去鄉銅井江邨吾族黨
嘗招先子營山堂小橋流水夾溪柳翠鑱前巒踞後阜
中有人家赤瓦垣盡是陶家破罌甌不材無用用不材

幽居何必除蒿萊詢知陶麥復姓呂
麥客酒掃庭先開
呼兒傾茶媪作飯聞我無家發長嘆
流離往往多豪賢
願效居停恐褻慢感寥邂逅良殷勤
先子聞之按角巾
便請僦居甃楠息書劔杖鳥投紛
紜兩年曾未遑寧處
漁火江烽困羈旅先子出門我閉戶
麥命兩兒佐炊黍
大兒同我誦夜窗小兒引我射晴岡
痛飲狂歌拔劔舞
嗟哉聚散何可常江上羽書風烈烈
一旦牽衣與麥別
生死從今那得知日隕山椒赤如血
隔世今將五十年
舊夢依稀銅井邊陶墟煙樹迷離影
誰記門前雪夜船
乍見老翁破屋裏注視驚疑想不起
我通前生小戴名

爾應呂家年小子攜手兩心雙淚流
今人愁甚古人愁
兒孫笑向不知故惟白頭人悲白頭
爾守爾陶長不改
陶雖苦窳貧莫悔他日扁舟我再過
共向江頭聽欸乃

板橋道上櫻桃

江南四月乳鶯嬌最愛騎驢過板橋
爭向櫻桃園裏墜
火齊紛綴翠雲翹

雨過胭脂信口圓含丹九轉擬飛仙
却嫌烏爪輕拋擲
啼遍陵園拜杜鵑

膩綠煙中顆顆紅野妝纖手架筠籠
看看看過春纔熟
罵盡山禽恨曉風

舫翁忽至長干喜賦

既見君如見古人江山風雨倍相親蒼松翠壁千秋眼
白髮黃冠五岳身舊夢頓隨長嘯破新詩合共素琴真
天生我輩看天外杖屨縱橫若有神

長歌題名山霽雪圖贈舫翁六十初度

三堂先生千古在內景外景皆雪霜日窮五岳失塊磊
心醉六經生光茫千首詩澆百杯酒筆恒在手杯在口
以真氣行以神運到處鴻濛不覺剖未見思之如古人
既見親之猶我昆敬亭采石亦浪跡石頭橫江嘗銷魂
今年五月南風競江南家家望雨信君忽飛帆下長干

開眉握手相性命飲酒賦詩不忍離天地雖大將何之

百年窮谷亦可老千載雲山寧苦飢適憶君年政六十

少我二千五百日

予慙長七歲

才大名高無處藏四海狼藉

驚詩筆君家世澤深且閑賢妻令子何崢嶸萊子龐公
美借隱安得千里飛千鱗武功匡廬在霞表倏雲倏雪
望不了蔣山山氣方鬱陶相對孤心獨皦皦江頭洗硯
吐白毫孱顏玉立干林高画君皂帽坐其上何必臨流
空讀騷

長干逆旅東山湯省老借王艾豁貰酒在顧繼贈
以詩極道洞庭之勝且有紫眉同岑縣壺倚杖

于其中爲之神選和韻二首

甕牖嗟窮鳥還來遶故宮索居亦已久佳友忽相通江
酒從君醉湖山許我公襟期澹若此尚有古人風
每懷林屋洞說有碧雲宮欲理荷裳到何當桂檝通我
將依釣窻天可問壺公夢向前津去如乘縹緲風

丁卯初伏十日酷熱市途暘死者多時長干南寮

隨公以北窗假榻忽甘雨曉至始爲改色喜賦
驕今何能測炎威大不同中緣陰太迥外始烈如烘喘
鳴奚容避清涼豈易通嬌花思泣露槁葉戀吟風嘯嶺
悲猿渴奔塵驟驥窮江波赤滾滾霄漢碧熾熾肆赦期

弭魃飛災未殄螽

時因京師大旱詔赦

可憐游沸鼎端足啟淵衷

流燄憎丹鳥浸皮想白龍岑岑羣疾首瞽瞍苦昏瞳欄
柄鑪嫌熾桃笙汗倍灑山椒凝暮紫海若厲朝紅舍利
九層上璠瓊五色中竭膏猶煉月攢炬欲燔空世盡焚
身象人原裸體蟲精英還大冶渣滓付洪濛熱境爭顛
倒冰心韻始終夜來瞻北斗晨起驗鹵虹方信卯雷奮
能清夏日功煩憂破旅榻安枕到衰翁洗硯承縣雷題
蕉放卷筒回天窺橐籥入世總牢籠靜侶聊支許高談
及峯嵩銷殘寒燠態浙瀝響飛凍

汾仲江楠閣圖

一老江栖四十年惟將心腕對江天春潮秋汐裏朋友
舊恨新愁付簡編閒展畫圖朝爽後細臨精楷夜燈前
何如把臂深林好飲酒彈琴也自仙
白鷺洲前野雀孤紫金山外夕陽徂三間小閣雲煙改
萬里長江襟帶殊孫子全知耽筆墨間闔半是舊生徒
客裏老更多鄉夢指點谿堂索我圖

題梅花洞天卷

秋盡肺始蘇展卷目如瞶晨起隱烏皮鶴眼若頻顧焦
穎刷霜繭古墨湛清露幽意寂然生雲根現枯樹寒谿
碧見底邃嶺翠無路扁舟穿乳脇孤嘯踞日暮異松張

怒鬣蝮蚪挂蒼霽竄蟻人杳冥其上將奚住杉栝森列
戟杖屨縱逸步靈鷲雖岩巖老雀自平素放筆轉無際
抽思邈難滌雲龕架崖奧崩湍憂韶護音響塵已空芳
風春更互柴門梅花天石洞瓊秀乳凡骨那可窺仙源
豈容誤山盡意靡盡畫成詩作註夢境落虛影反觀忽
如寤

還山坐蛻峽竟日

歸掃山堂共夕曛寒花幽鳥慰離羣竹間細聽分泉溜
窗外閒窺過嶺雲短日覺長宜我靜饑年得飽勉兒勤
漫期此處容衰嬾祗恐松風不耐聞

虎久羣踞山穴無敢有驅之去者爲之憂歎

日映山家蚤閉門腥風黯澹下荒原晴芒列炬穿林影

掌跡沿谿帶血痕假與城狐威更猛醉餘邨犬勢難存

果如盛世騶吾出安得窮奇到處尊騶吾仁獸伴虎而五彩虎而翼者謂

奇之窮

獵騎

忽聞獵騎過江來旗繞孤城擁不開四野帳房明似雪
千家芻秣亂成灰雞豚戶外招鷹犬羝犢田間當豕豕
不是將軍傳令肅圍場那肯一時回

題高士還山圖三首

白雲依舊護松關意倦仍騎黑鶴還浪跡九州徒汗漫
何如一室寄名山

果於塵網不相關小隱何嘗少大還蒼狗自能藏白髮
黃精那得老青山

翹車相慶別柴關誰肯長安望便還惟有黑松莊上老

歸然青不愧綿山謂太原傅青主先生黑松莊其隱居地也

贈劉澧湖

峩峩雞籠山瀾瀾澧湖水脈天關福地九龍勢羣起一
山前闌之崇牙而厲齒千頃盪其膺萬畝良其趾此中
多著族裔有參龍氏蕃衍楚三戶間亦產佳士我爰擅

雕龍豈輕見首尾潛處以畜德無悶固爾爾琴書自古
今醉醒孰非是但能畢婚嫁端可式孫子富貴焉足求
貪鄙寔所耻我畫奚云工君酒亦當旨湖山靜不言我
爾淡如此百年有餘歡千峯對可喜
脈天九龍闌龍皆
雞籠山前嶂也
水石盂中水仙晴軒清麗可愛圖而頌之二首
得爾梅花始不孤絕塵讓爾託根殊依然玉立水清淺
相對傾心滿座隅

後來春艸多凡艸獨此花香似酒香著力東風吹不落
白頭惟愛沐朝陽

廢紙瓠中檢此詩四首余生平題畫之作如天風

落葉隨存隨掃因想此画意似猶可觀也

至音滿天地幽興自古今滄波翠微影可以寫高深虛
舟依釣磯樵歌畲雲岑毫端無盡義將與誰追尋
霽出挾風瀑靜豁明松雲何人一艸亭石枰布斜曛逸
棹何邈邈世局徒紘紘老筆亦多事鴻濛又此分
蒼幹貼巖岫落落自不偶不材多歎年霜雪交獨厚寒
吟幽步人似識巖楠麥斯世卽黃農於我復何有
馴雀戢奇翼幽人娛妙顏林陰生碧光匡牀空且閒朱
絃引餘籟白雲流滿山下古想上世悠然從此攀

肺疾久而耳遠聾二首

亦厭聽聞久幽田乃閉聰煩囂將喜斷清寂豈恒通若
隱室間磬猶疑松外風虛聲天地內瘵病有何窮
肺氣信衰竭頻年苦不禁一身終可棄百疾柰長侵方
藥呼難應精華瘁漸深枯喉鳴細竅如欲助微吟

陰雨殘梅幽蘭欲語示寺中苾芻

無端細雨裏春寒花氣何嘗淚得乾梅衛僧窗愁客折
蘭宜幽室愛人看不逢真賞翻招妒誰肯繁華過後觀
老眼兀然光萬丈孤芳祗合傲林巒

贈巖上人

石依樹立若爭長松仰巖空應讓高巖上何人凭

梅花風裏落驚濤

山中牡丹一夕為風雨所敗

花命託風雨啼鵲怨更多春歸全不顧客醉欲如何浮
艷無遺影空山且放歌古今狼藉態轉眼夢蹉跎

江上逢寧都魏和公暨其令子昭士四首

翠微峯上古乾坤自屬君家望益尊便與世忘終不出
石天何用復開門

翠微其所居山名有天險可據

君家兄弟古今奇斯世行藏慎莫疑吾道豈堪逢兕虎
吹簾不覺使人悲

謂其兄善伯也

微軫碌碌野塵香獨洗麻鞋對夕陽自是高名誰敢借

却隨羔雁賣文章

謂其兄叔子也

名山千古愛風流獨擁青天百尺樓安得一枝容我老
只同猿雀嘯清秋

張南邨歷游天台武夷歸以山記詩卷見示二首

七十行年尚四方孤蹤江海水雲裝遠尋寒拾新詩意

獨拜夷齊古像傍天柱瓊臺霞湧日石梁銅墀瀑飛光

人間亦有真仙境到處桃源認不妨

天台桐柏宮有兩石人相傳為孤竹

君像不知何昉

風泉雲石夢探幽直欲牽浮到上頭九曲谿中千尺玉

一峰天際半藏舟榜亭張樂飛虹斷仙掌吹笙接筍留

晚對期君當益壯疲筇仍好續天游

按筇晚對皆武夷峯名天游觀一覽

亭據山之勝

黃山汪快士工篆章遂徧游五岳忽來長于同邸

浹旬而別却贈

老經康苑便如家有客來同小結踟五岳霧文歸琰琬

三倉奇字斂精華開軒上藥題紅朮過嶺名茶餉紫霞

正是松風休夏好煙波何事又天涯

歛茶以紫霞為最貴云

題武夷第五曲六曲圖二絕句

大隱屏開仰止深半尋九曲見山心釣磯茶竈無人掃

誰肯閒來對晚陰

晚對峯名

仙掌胡麻礪水香天遊望在白雲鄉雖如白玉蟾千百
何似堂堂一紫陽

僧自宛陵將訪石公於雷塘索寄

攜來滿袖敬亭雲欲向空江何處分石上寒濤天外落
扁舟我亦夢隨君

長干勗微乞画夢遊小卷更以白描文殊見畱

每憶舊遊如昨夢夢裏山川若迎送自知積習老難除
意觸輒隨豪楮動衰腳嬾筋空輒纏多年不誦遠遊篇
橫江百里嘗上下欲求何地容安眠偷銷炎氛向山寺
尚喜此中好遊戲閒探画理更論詩千百林間或一二

老夫画稿滿兩間一時思索不耐煩率意殘山并剩水
落葉秋空何可刪此卷何來寫幽峭亂雲變滅散晚照
爲爾攝作萬峯影聊可虛窗一展眺麤疎老拙那足觀
香林後起恣盤桓河山終久嘆沈陸法象流轉縈毫端
畫爾白描技獨擅華鬢香巖動欽羨惟願別峯長相見
共對日面與月面

星源清華里宗黨乞画家山

獨抱吾家變調琴至今千載少知音故山夢到清華里
雪瀑霜巖見此心

余同宗華渚先生諱思孝并
先文節同爲崇禎甲申貢士

登岱圖

今古巖巖此岱宗
籃舁曾載出登封
手探曉日窺千里
曾盪層雲踞萬峰
銀榜金臺耀瓊宇
唐槐漢栢傲秦松
老生近嬾吟梁父
未了青看墨海濃

餘生詩藁卷十

歷陽鴈阿山樵戴本孝

長干瑠璃塢影歌



長干寶塢天下奇
金碧五色光瑠璃
父母大恩受此報
皇天后土寧不知
神工傑匠真絕世
民力億萬良不貲
日落霞彩絢丹漆
月出珠輝鎔銀泥
在昔齊梁豈得有
猶幸方景未及窺
形上指天射霄漢
影下卓地流階墀
雷龍幾番燬不去
陵園千載含辛悲
南廊僧樓透纖隙
寶光斜貫煥檐榱
暗室盈盈洞四僻
蓮盆九級儼倒垂
通體洞澈燭幽隱
一點瑤光綴頂錐
前殿後閣浮焯燿

碧雲丹靄交葳蕤他方增影黯無色此獨舍利迴陸離
目驚彩燄騰騰落心擬天花冉冉吹恩恩怨報至今日
形藏影滅知何時天若覆釜影嘗倒正如凹鏡窺須眉
世人見怪不見理闔門接踵翻褻嬉康會赤烏那料此
是豈阿育王所爲鄭和宗泐何足道成王孺子同陵夷
至今逆髡有遺恨其姊申申當誓之歌罷崎嶇忽黯淡
瞿然注視心如癡

是增始末隱微皆前史所不敢道噫天可欺乎我聞
佛之威神龍雷威其所攝伏此增創于永樂迄宣德
中始成至今二百餘年凡遭龍雷燬擊者數數豈亦
佛所不欲故龍雷雷敗之邪抑龍雷不遵佛旨敢干
肆虐不已邪人心可以欺天則龍雷亦可以欺佛邪
噫吾安得呼天而問之

以先文節公澄泥硯授猶子廟星守之作歌以述
其事廟星其念諸

南唐舊物近罕見六百年來泥半片昔有洱海王諫議
一生摩挲老靡倦因愛爾祖文章奇遣子納贖惟此硯
古墨淋漓生夜光拱壁當前亦不羨好事黃金求對質
一笑但覺黃金賤嘗囊此硯走四方晚乃草奏武英殿
當時喪亂天難支竊國柄者勢孔煽爾祖仕應得李官
湖州廉州倏中變逆孽祖禰中宮侍正士悉隨鈞黨傳
爭傳戴公懷硯寶餌以多金希一獻一硯易一美李官
爾祖聞之瞋若電盡知此硯不可奪自此硯名震赤甸

我昔抱硯轉溝壑兢兢守之猶世券今我既老懼顛隕
諸子耕樵歲不便爾克郡儒持門閤授爾守之秉家憲
慎勿輕爲他墨汚慎勿輕爲他人衒古人嘗捧祖硯泣
爾應恨未見祖面焚香稽顙告木主硯光時隱復時現
茂先青鐵何足誇此硯精剛真百鍊諫議王公諱元翰
號聚洲雲南人啟
頑之間直聲最著其子王開字升汝僑居白下從
先君子游能詩
深林讀書圖寄喻正庵

春雲沃寒硯蒼潤挹朝爽矯首仰江天逸興恣遐賞所
翔固霄漢厥慕亦林莽吟嘯寄篇什竹素載兼兩深林
讀異書鳴泉含幽響澹岫何春容和風更駘蕩青茁照
行旌蒼生矚高幌前著借鹽梅後乘動辰象埃幹訊曲
藝澄觀濫弘弊圖罷復清謠聊以當擊壤

畫寄知己五首

浮榮亦已掃散木且千尺於此仰霜顏足以見風格夕
陽燿影蒼空江潮氣碧羣巒靜可數杳然天外跡
山半結一廬長松厲寒響恬風送輕帆月生潮亦長似
有苦吟人北窗獨偃仰忽聞竹枝聲滄波共泱泱
竹窗壓秋影搖露溼青鐵層嵯與疊巖霜穎掃不徹誰
家草閣中殘枰賸冷劫世路多羊腸窮高太周折
嶺勢忽崕崕千盤上碧空風泉嘗嘆雨雲壑慣理松姑

射峰頭雪安期臺外鴻目隨吾意到幽興有何窮
一片寒峯影蒼涼透紙痕結跣雲拂座洗硯月窺門木
石偏多態林泉大有恩何當探乳窟折膝與深論

九日登藜霄院飲周向山丹室卽席二十韻

江瞰射曉窗煙部冕晴樹良辰動高裏孤筇點幽步大
江自東流神山獨西顧鳳閣空雞籠龍蟠仍虎踞仙窟
隱古蹤天倉尚昔護人間此藜霄天上有定數吾爰元
公胄踵接顛仙故平生讀異書至性感奇遇弃家若敝
屣慕道渾嬰孺詩卷疊几案瓢笠挂軒柱豐頷列巨眼
大編多細注導我指形勝示我罄衷悵醉以苦蒿酒芳

于甘藟露偶尔攢小鮮居然飫大醑相期不時來欲別
悵日暮潭影分烏龍洲楠傍白鷺兔移北山支愧画南
都賦明年桃花風今日黃葉雨暫聚豈常散始寤忽終
寤五岳好同歸千秋不異路

畚梅瞿山

世好在四方宛陵自昔盛文獻家可徵山川氣相暎邁
德景前烈濟美嘆後勁嘗慕瞿山老才名近鮮竝風企
仙尉高派湖都官正縱筆天延閣猶若運魁柄吟嘯見
大真出處安時命四時得嘉會千峰悉響應好花恒滿
眼佳果恒滿勝看花喫果兒行樂動幽興風流足千古

可圖兼可詠秋夕赤鯉飛感君遠垂訂新詩寄一囊枯
樹寫一幀本也臥蒿蓬欣觀若景慶顧慚蚤衰拙久已
冥視聽何時駕漁舸當爲訪雀逕

望鍾山野燒

此山衰艸亦成灰自古陵園空可哀裂燄何堪容紫氣
荒燐豈復護青苔忽驚烽埃南天發似捲圍場北地來
遙望燭龍羣起舞夢中疑是舊燔柴

戊辰除日戊辰雪霽還迢迢谷喜庭梅乍開

蚤梅應不柰春遲先已橫簷透一枝似慰主人歸興劇

隔年清夢苦相思

此年以郡吏縱盜山民不遑安枕余
去年除夕竟未得還山

昨尚江城雪滿衣晴峰矯首望人歸歸來負日梅花下
雪滲紅香更覺肥

已巳元旦已巳率諸兒羣孫薦謁碧落精廬

晴巖積雪曉光開柏子泉花薦蚤梅惟願青山常作主
何期白雉又還來幽宜鐘鼓諧泉石貧力耕樵伏艸萊
手種松筠青漸合蹉跎暮齒幾徘徊

于精廬
左右者

白雉初見于戊午
今十年矣復有見

歲二日雪三日復雪山邨寒寂危坐凄吟

艱難老未見如斯米賤農傷更苦飢雪且封山人罕至
風惟閉戶烏能窺賣薪錢那供朝酒辭歲糕聊繼晚糜

誰道太平爾令節蠲租可得起瘡痍

是歲新奉恩蠲

四日喜見新月

青天爲我乍開眉繞屋閒看策短藜
早隴麥根難得長荒畦菜甲不相宜
倩來野窻修僮約收去樵兒拜壘師
幽興雖多生計拙新占雲物果誰知

五日負暄梅牖梅尚先妻手植

此日相期不出關雪消雲淨頰羣山
寒暄何必紛趨避聚散無煩計往還
千古醉醒千古恨一年枝葉一年刪
梅花記種人誰在舊夢珊珊憶雪鬢

六日山堂閒話自郡吏敗遁山中虎患盜患頓熄

窮谷荒邨莫厭孤人家能似我家無
新詩嘗寫教孫子佳醞還歲供老夫
猛虎已難依碩鼠山雞寧復畏城狐
近來清夢頻驚覺不是詩逋卽画逋

七日對精廬中松巢家老僧

乍得新聞覺日長人逢今日喜晴光
野僧易過攀茶話遠客難來問醉鄉
解橐尚餘青飀飯黏衣恒帶白膠香
左平苦中清狂病到老能傳療俗方

穀日卽事

祈穀年年春社同邨巫擊鼓舞東風
農閒牛散山頭上廟古蛇居樹腹中
歲飢已無供稚子春醪未畜慢隣翁

可憐循吏真難得卽有豐年民也窮

九日將掃西齋爲諸孫書屋

嶺脊崎嶇谷口遙新年幾日不通樵月橫梅影風初起
霜互冰崖雪嬾消家守舊經慚莫解山多叢桂耻相招
鹵齋好列群孫席應悔端蒙失齟齬

十日將入城觸感

還山除夕到元夕半月中間倏兩年客夢何嘗因老減
窮愁焉敢著書傳已知薄俗頻招辱豈可平居不省愆
恒學死心心不死人間總未有真仙

華山王山史來金陵以所著周易圖說述見示余

作希夷避召崖圖并題長歌以贈之

憶上三峯五千仞不覺一別二十年夢君嘗踞蒼龍嶺
呼我同餐玉井蓮獨雀亭前招野雀羣仙觀裏尋真仙
但聞希夷老子恍惚在軒呼今古雲雷邊日日思君君
不見天子猶難識君面希夷當年避召時崖脅雲根穿
幾片天在山中天可知先天後天爻象變崖空千載待
君居傳家絕韋圖與書仰觀俯察將何如江河日下愁
居諸安得運會還太初開天一畫無生有萬象流形畫
在首領將沆瀣寫洪濛問誰鑄就金天否畫君長栖白
帝厓何肯輕蹈黃金臺不見黃金臺上袞袞客滿眼黃

塵迷黑白君來且自看鍾山尚有梅花足往還我欲從
君長嘯去空山可有無人處

偕樹居觀城北一帶桃花因憩雲葉庵邂逅耦鹵

老僧

曉霧欲蒸花花氣淡若醉山窗鳥語客春枕豈容寐振
衣窺林巒日影淡嫵媚羃歷璫璃光隱約飛舍利城南
人成山狼藉花酒肆下里克俗耳啼鳥亦驚避延睇羨
城北五色炫幽異芒屨愛馱往勝侶率罕致道逢樹居
老注目笑相視攜手入層闌曳步越遠市綿阜紅錦障
澄潭紫霞膩凝若白練浮烘若絳雲熾鳩萼間柔莢錯

落散金翠游冶遺芳鈿市選嗤妖魅寂莫扣野扉雲葉
見高寄龐眉一老僧微笑得花意臺荒象難觀璿璣近
毀棄煙迷玄武湖城隍雞籠寺回首清涼山傷心佳兩
地至今六朝花終古三春淚千載翠華祿兩謁紫金隧
曠作太平遊傳爲盛時事衰眼爲花明老腳爲花躓艷
陽偶爾期逸興恣所至殘照頽我顏清醕涸我解深蹊
亦可眠野泉亦可試長吟更宜和勝討不嫌嗣姝忘策
杖疲聊當秉燭記

過雨花臺松風閣贈張白雲

閣以祀其先人壯毅公也

相見依然折角巾此生猶得覩先民當時松桂空皆老

到處雲泉不厭貧
孤閣久堪植
劍鳥神山應自戀
臣鄰獨餘老眼臨
殘照手著書成亦等身

千峰梅影圖

老來自笑不心安
墨髓猶如石髓餐
忽見千峰墜千指
梅花天裏弄香寒

送縣雲入九華二首

蠟燭峰頭照夕曛
下方雲勢更難分
西君坐入深雲裏
相寄惟應有白雲

山中采藥須童子
殺活休輕送下山
却笑當時金地藏
新詩悞落在人間

疾中聞素伯訃爲位而哭之

盛暑忽暴下半月
減眠食危坐拄枯頰
萬感填胷臆山夜骨
碌鴉黑林嘯不息
姑惡襍鬼車益聽益悽惻
強起正朝頰神志尚未
懌乍聞排闥聲不覺動情
魄開緘見遠訃驚失我素伯
素伯天下才三世篤金石
相思竭心髓第未覩顏色
古處同尚及近今那可得
伯仲固嘗見田伯位伯情好誼靡忒
兩家叶壤篋風雅推令則
兄事十年長慙余徒負
慙相距五百里離索耿晨夕
知心不對面生死咸莫逆
對面不知心咫尺亦絕域
思君恒夢君可望不可卽
君才美且醅君貌豐且哲
令子晚始獲相繼

產雙璧厥福當無涯所學當益力斯世竟難容天道固
莫測慈母撫雛孫其哀更何極良爲千古悲奚第百夫
特爾兄猶吾弟時憑四方軾吾弟亦爾兄柰復千峰隔
長林交讓隕洪柯連枝折雨隨汗泪俱慟逢衰痼逼旅
榻爲位哭夕照黯四壁作書寄吾弟斷鴻失南北馳唁
知何時遙酌空江黑

丁勗庵南岳遊歸枉顧贈之以歌

自古名仙好遠遊山川日月同周流君乘蓮葉把長釣
三湘七澤恣冥搜翛然嘯踞祝融頂手遮斷雁橫高秋
雲爛禹碑辨譌跡煙荒舜井生古愁君才世出應劉上

大生號

不逢虞夏將何求嬾殘半芋韻領取沅湘寂莫空離憂
惟餘詩卷挾雷電歸來示我鏗琳球昔我十年歷四岳
雲夢恍惚南天浮朱陵遠在瀟霍外湖天阻絕三江頭
生平此願愧未畢至今南望心夷猶何時釣船君借我
輕帆蝶翅翔芳洲薄言訪君舊遊跡仰天一雀雲悠悠
柳愚谷七十

鹵風弄秋影南樓生異光五色炫四壁一老踞中央千
載抱巨筆縱橫不可當上欲拂霄漢下足探溟滄縣誠
具家法氣可凌鍾王怡情意象表岳瀆爭漭蒼嫵媚耻
殘黛揮拓夙擅塲過庭美繩武雛鳳鳴鏘鏘白髮賂錦

瑟朱絃調銀簧寒巖有衰樸南北時相望君較長一歲
氣誼何軒翔秋露湛糟正芳耐逾漉漿百年開萬卷一
日當千觴

是秋余先龔柴丈五日而疾及余疾起忽聞柴丈
遽逝矣柴丈画法獨以用墨擅長一時罕有其
倫也些山以五言二首弔之因和焉

我與君同疾君行我獨留多藏書亦散貴賣画難求破
院凄梧月荒臺黯桂秋煙雲江外黑殘墨滿林正
策杖鷄鳴寺傷心虎踞關流雲爭逝水落葉委空山後
學將安做前身豈復還可憐龔聖與吾道亦何艱

曲阜孔東塘過訪索画石門山圖將搆孤雲艸堂
于其中峯洙水之源在焉因賦四首贈之

南來東魯客北海有遺風禮樂絃歌裏江山樽酒中行
藏深自得踪跡忽相通顧我披蓁莽寧嗟吾道窮
避世向千載岩堯想石門中峯涵聖澤曲礪繞洙源指
點生圖画經營就討論孤雲堂一望端不負乾坤

出處生平事雲山豈偶然谷遷賡伐木礪狀瀉鳴絃絕
學開千聖空山指九仙蒼茫意象外原不在言傳

東塘
精于

律呂能定大樂九仙
乃石門外羣峯名

秋去亦云駛江空正好吟吟成皆可画画響更宜琴良

會屬天意衷言獲我心夢仍瞻闌里頰仰嘆高深

時東塘將

返邢大集同人于台城多有倡和

輪山結廬於青谿顏曰夕陽寮以其鄉有夕陽山

下有夕陽寺先人之墓在焉不忘本也賦七言

律四首見示因和原韻

歷徧天涯卜一椽老依鍾阜欲忘年手編籬月扶花影
目縱谿煙伴柳眠今古從來翻舊夢雲山原不似枯禪
浮沈蹤跡何嘗定千仞峰頭好挂船

古屋新修那得閒捲牀疊竈水雲間歲寒乞米過隣郡
春夢看花繞故山同志當年空覆轍孤吟終日嬾開關

衰殘我亦無家客物外相攜獨往還

空山我亦有精廬不獲安楸讀父書老已久知人共弃
道難苟合世原疎支筇覓句隨囊硯種菜分畦許荷鋤
日落江天長嘯發自嫌磊塊未能除

埵影谿光冷映扉思歸今更欲何歸荒春柳苑子規少
遙海桑阡精衛稀惟有白雲難贈遠且煨黃獨耐調饑
夕陽山下夕陽寺縱隔千峯亦可依

雲山四時長卷寄喻正庵

春堂寒雨濯枯硯隱几青山倍繾綣千峰恍惚相追尋
目縱萬里意靡倦至境那自人間來偶然心手隨時開

天地古今言象外尋行數墨何爲哉落筆我亦難自定
人豈能與天爭勝空慙衰拙益其癡雲山移我枯稿性
此卷將思會知己忽看大麓雲初起仰首難攀千仞高
藜杖春風夕陽裏穿窰驚入梅花煙坐擁孤芳瓊秀天
天矯蟠松探窟宅毛女去復誰千年更憶太舉匡廬瀑
攝取奇峰侍茅屋野人對語如相邀靜沼雲深向幽築
巖罅白雲束青松虛舫閒依荷芰風一片孤奇石丈影
隔嶺泉鳴風雨中誰家秋閣挂木末一壘蒼葭煙水潤
潮信通時魚信虛釣客空竿戀難脫世路崎嶇更覺忙
孤舟遠岸何淒涼急流穿峽莫洄溯邨帘困轍當羊腸

寂莫空亭在嶺際林密山深堪避世靜擁柴局看白雲
却羨山翁有經濟滄波落日翻松濤琴樽永日呼吾曹
若非熙皞共喜起巢許安得成其高山川四時氣相引
法法從心義無盡羞稱能事謂作家一傍門墻應自哂
過眼流光雖見聞思將萬有歸無文大化何嘗有蹤跡
且掃筆墨還氤氳

張竹中將遊彭城時河北游飢雁民載道聊折柳
以縮之

欲溯長江控大河濟川才豈嘆蹉跎今年鳩鵲當春苦
此地龍蛇自古多白社雨花空寂莫黃樓煙夢更淒淒

承歡還是趨庭樂其柰依依柳色何

言巢民年伯八十長歌述哀

四海風雅訊堪作百年金石訊堪託晨星落落仰東臬
恒有異光射寥廓東臬丈人誼獨真榮榮賤子難具陳
丈人二子兄事我我見丈人思老親往事有如車過痛
生死今古天夢夢惟喜歸歿有丈人江海雲霞尚生動
憶別頓將三十年年年踈踏橫江邊相完婚嫁歷河岳
詩畫貲難償酒錢丈人念我不置口責我忘情情愈厚
細字長書縑繆多竊慙芒刺負溪咎今年霧椿敷海桑
小三吾園揚春觴慨想古人八十者采商山芝釣渭璜

噫嘻此遇勿復道申公桓榮皆國老嚙殘旃雪歸圖麟

何似披裘桐瀨好天篤丈人春秋高錦瑟瑤笙間綵毫

紫團那及紫芝貴麟脯不易斑龍膏丈人餌鹿膠多年此生服

餌終若始鼎養何別求甘旨難老不朽全盛名如是尊

榮世鮮比白頭賤子佐斑斕丈人安坐多歡顏更進三

千六百日亦若丈人今日間老見太平福匪淺迴腸追

憶車輪轉斯身斯世憂何為天道從來貴游衍余少丈人十歲

是秋亦七十矣

蒼翠庵雲辨小酌

密義應知在汝邊林間不覺遂忘年聊餐古德庭前柏

且種今生石上蓮自信可植惟寶樹可能不壞似金仙
相期晏坐千峯裏月冷雲荒曳水田

題画

雲觸峰勢起氤氳遂不散毫端裊清思霞表恍佳觀幽
人愛溪栖奇情寄柔翰巖瀑玉紳垂石梁翠鬣亂倚檻
弄綸竿結想屬霄漢著書且飲酒彈琴復看鍛此樂得
優游忘機匪汗漫對此堪澄衷安可等近玩縱目式流
觀怡情聊發粲

題巢民老人避名崖圖

春堂巋然多奇裏金天石室忽若開隨驢老子呼不醒

雲雷至今相推排老見太平發大笑紫泥銀鈎仙掌耀
未肯一出慰蒼生巢許從來背常掉昔我麻鞬太舉遊
避召崖冷空千秋古人出處有定見審知天地皆蜉蝣
即使故人作天子安可強以彼易此希夷道德乃醅儒
仰嘆猶龍固如是枯毫嘗濡玉女盆復來東海掃雲根
羣峰且擁丈人起兒孫羅列何其尊

東臯得全堂贈歌者徐郎花乳二首

聽爾清歌忘我愁黃鸝相對好相畱掃殘客夢千峰影
盡作江天一片秋永日傾心還下榻何時攜手更同舟
無情不覺情仍在舊事驚看逐水流

今日徐郎又擅場丰神那似舊徐郎白雲黃竹調仙呂
乳燕新鶯媚艸堂孔釋送來原有種羲皇臥起莫停觴

天知難老饒歡趣海上頻賡陌上桑客東臯百日無日不聽徐郎歌使三

十年前余及陳髯見之其老狂當更何如也舊徐郎者卽其年之紫雲也已久傳爲詞苑佳話今徐郎花乳其音容皆復過之東臯丈人索余卽席賦贈二首一時同人皆有和焉

鄭元伯過訪蒼翠庵以詩見贈依韻賦畲

衰拙竊自慙窮谷一樵子何處求古歡
蹉然安得喜聞君負至性言論粲名理
守正惟六經旁羅及百氏對面乍茫然
醉心亦久矣濯濯鍾山雲汨汨秦淮水
何當酌桂醕薄言采菊蕊歌嘯且披襟
登臨曳客屣孤雲淡無

依蒼崖屹不倚斯世復何求此心良有以
聖賢原可學神仙豈不死好畫我寧非授經君
固是詩近已難言酒今何必止來往蒼翠間
秋風忽驚起

巢民丈人八十得曾孫卽其長孫文博所首出也

於其彌月遂命以八十名之憶余初至東臯
穀梁以人日舉文博方彌月陽羨陳髯暨同人皆
賀以詩迨今三十三年矣而余復至獲與良辰
喜爲之賦以紀之

三十三年老眼新綵筵又降石麒麟曾孫湯餅真堪壽
爾祖含飴莫厭貧英物自能開間氣雄姿應更產奇珍

命名八十私相慶及見君家五世人

千峰策杖圖爲竹堂道人作

虛堂生靜寒塵想遂可屏雨餘枯硯潤四壁現秋影沈
吟意自閒盤礴技欲騁湛思萬寂空冥然造幽境樹古
雲亦荒苔香瀑尤冷遠靄列羣峰高空鬱竇嶺何寥策
孤筇老雀引瘦脰委形旣幽獨聆聲復清警不盡意中
山居歘天外景千巖氣轟轟百年夢鼎鼎逸興老我狂
奇情獨君領明燭代荆薪臥遊亦當秉

方有懷遣子虞律來金陵過余鳳山寺邸索兩因

題長句寄之

一心可以周萬里一室可以攝千峰但恨此身少大關
所至不能與心從惟有老筆恣意到雲氣呼吸嘗相通
龍暝雞籠雖咫尺天門今古仍西東君家父子舊金石
四海汗湯何堪同老龍貪暝或嬾出小龍天矯橫雲空
縱陽江邊夢嘗繞長干道上皆秋蓬攜手一笑索我画
清泉白石深林松茅屋藪林琴書滿何時我得來支筇

不盡詩藁目次

卷之十一

宋以偉以秦淮水閣為華山王山史下榻閣外可
憑以望鍾山山史居此嘗夢鍾山往來其中以
偉因改名其閣曰山來云 三首 健忘

皖江管元彥以其尊甫僅齋先生遺命徵余畫因
題十四韻寄之 畫蘭歌為汪五道林作

朱林脩青谿意園圖竝題 三首 和許參軍苦

麓紀夢詩 東臯七夕集巢民丈人得全堂

次韻 閏七月生日

海陵聞黃俞邵訃音愴狀 二首 悼杜些山 二首

石柱衝梅花絕句二十首和王宓艸 壬申五月

不雨天意可知書以自遣 狼山白四見過

長干寺郎彈琵琶竟夕 贈顧敏成時將有

所營以致力養其尊甫同叔先生故喜賦二首

以從史之 艾谿屬書寄歷下李使君

題畫 任城泮宮觀漢五碑歌遙寄淮陰張子

力臣 登任城太白酒樓因下觀少陵南池

時同遊者會稽王子盛襄平佟圖南暨余六兒

屏星也 又感賦七言一首書南池亭上

初至任城署中 王安節相繼至歷下枉顧邱

次見示新詩屬和 偕王安節登華不注峰

次見屏星隨杖日暮始返各賦五言四首

歷下觀察署齋逢貴池劉侏四嶧桐徵君季子也

賦詩感舊和韻 二首 四時雲山無盡圖卷

為李廣寧使君作絕句 八首 同王艾谿暨

安節復遊華不注極其巔賦五言 四首

歷下減遇卽事呈臬憲喻正菴繼使李廣寧兼致

學使朱復齋 正菴先生治具約同艾谿安

節暨兒屏星遊錦屏山龍洞復令鐵三老代為

不盡詩藁
主人感爲之歌

謝別正菴先生感述

李廣寧使君修復古歷下亭

絕命辭十首

恍兮惚兮伏枕卽爲吟魂所攪多不成句偶有所
記篝燈扶起猶可以書其夢題壁間云

題壁間書竹

題畫梅

不盡詩藁卷十一

歷陽鷹阿山樵戴本孝

宋以偉以秦淮水閣爲峯山王山史下榻閣外可

憑以望鍾山山史居此嘗夢鍾山往來其中以

偉因改各其閣曰山來云閣中有梅花初放山

史招同杜些山王艾谿胡靜夫看梅賦詩金陵

梅花昔以鍾山靈谷爲盛近就凋殘不可復問

二三年來競傳神策門外十五里許曰石柱衝

連岡斷叡皆老梅不可數記古幹杈枒大多合

抱石柱衝者乃宋王威定華表墓上豐碑爲傳

不盡詩藁
二
雱文紀威定戰績宋史多未載也羣梅潛老於
此居民利其實遂得長子孫蕃衍於其中度非
百年以上不能奇古若是梅之託根可謂善藏
其用矣近何以遂爲好事者所知游觀襍遯蠶
午漸至是豈老梅之幸也哉余偶作山來閣看
梅圖遂竝記之以志慨西北梅花不能多見山
史亟攜韻僧往探此後清夢不知當更如何矣
五里松門莫揆梅園陵風雨僅寒苔秦淮野老能留客
嘗引鍾山入夢來

江月梅花影更寒香光不露透晴瀾好尋筵步招同
且向山來閣裏看

華山老子不思家愛向江南玩物華安得生平償夙願
蓮花峯盡種梅花

健忘

老於世味不相親轉眼渾忘嬾問人惟檢殘書嘗自笑
一回看過一回新

晚江咎元彥以其尊甫僅齋先生遺命徵余画因

題十四韻寄之

大江貫瀟廬南北氣盤鬱嘗見白虹起中當舍大璞名
賢多善藏蠖屈而龍伏流峙生奇光溯洄緬前躅洗硯

老江干聽雨困林麓良爰忽遠觀排闥露衷曲具述先
人志遐賞在苦濱山壽水樂致千古豁心目雪藤過鷺
谿橫剪作巨軸衰拙身容辭颺技窘跼縮乳窟穿雲縷
玉簾挂崖屋近且忘迂癡遠未夢顧陸萬峯列高掌千
江堪俯掬何時訪君堂幽討庶可續

畫蘭歌爲汪五道林作

世人畫花惟畫影何能畫影兼畫香對花見影尙彷彿
對影思香空杳茫幽蘭生本在空谷雖無人知香自足
苦被東風輕播揚接跡尋香肆侵斲祇有千尺懸崖好
托根望之矯首跂足絕攀援蘭兮蘭兮托根亦有幸不

幸如何生於道傍及當門億翁畫蘭不畫土此土今古
無常王在盆在砌或在室培之摧之心自憮筆墨芳風
吹不殘寫成香影隨人看真香在鼻還在眼畫裏香來
良可觀我爰生來花癖復畫癖百花逞顏偏不惜衣帶
間惟王者香解佩紛披叢雉碧手持畫卷索我歌九畹
百疇之風轉汜何其多此中慎勿畫荆棘自古君子能
奈小人何

朱林脩青谿意園圖竝題三首

東園南部裏幽勝甲都亭山氣依狀紫谿煙不斷青高
鴻窺月沼老雀變雲汀更喜新鶯出還堪容我聽

惟有意無盡奇懷君更多鑒藏按卷軸位置眇庭柯夾
岸既深柳凭軒宜淨荷偶狀桑梓下樂志且婆娑
君意入余畫蒼茫六代煙耽貧富筆硯避俗美林泉涉
想因成境栖心竟得緣池臺今古夢原只以人傳

和許參軍出麓紀夢詩

雉皋許畫初參軍長沙嘗遊出麓觀唐李北海
所書二絕碑盤桓不忍去是夜舟中忽夢北海
於碑左因問參軍曰汝鄉曾巢民無恙邪其水
繪樸巢興廢如何參軍具以巢民近況對瞬息
命隨登水繪湘中閣復至還樸齋訪巢民於得

全堂置酒言歡命歌者演漁陽摻搥因鼓聲壯

厲參軍遽驚寤古人夢感神交其精爽何嘗一

日不周流天壤也參軍紀以詩徵余和之亦今

古一段佳話也參軍詩云二絕碑前逸興賒乘

風御李過星沙尋來湘閣幽人窟夢到巢居處

士家自古文章通寤寐還從傀儡憶聲華奇才

屈抑曾何限不盡相逢鼓欲搥

才名書法古今豪千載相通夢寐勞李北海猶孔北海

冒東臯亦王東臯湘中閣廢仍堪夢出麓碑存仰益高

始信參軍具仙骨歸來風韻動旌旄

孔見害于曹操李見害于李林甫其

幽憤同也王無功自號東臯子巢民
雖不飲而喜飲人其跡殊其隱同也

東臯七夕集巢民丈人得全堂次韻

星橫碧漢遠相離嘉會原來有定期
衰拙新秋惟愛嬾
嬌癡舊夢未全知安巢樹老風高候
綺席清歌月落時
誰畫仲初詩裏畫幾回臥看繞清思

時堂前張前人七夕圖

閏七月生日

生當七夕後二日不記幾逢閏七夕
今年我復來東臯
恰值行年七十一七十已過更加閏
倍計豈非百四十年
世短意長夢顛倒為彭為殤何足恤
窮谷荒瘠難安居
暮齒落拓尚遠出苦懷千古不灰心
食力四方空在筆

嘗數昔畫山水家多獲大年堪具述
貧賤坎廩固我分
生歿修短安可必每笑黃楊尚厄閏
何況老樗衰朽質
霜柯突兀響寒空觸筆縱橫氣蕭瑟

海陵聞黃俞邵訃音愴然二首

自洞庭歸三日而卒

終為一官誤虛名那可餐
北堂猶旅櫬東海付狂瀾
忍見藏書散才知作史難
平生幾良爻汨汨總凋殘
斯人焉可歿天道亦何乖
自此一枝巷空悲千頃齋
魂歸湖月冷夢訣海風霾
老眼吹殘淚枯霜颯稿芟

悼杜些山二首

老跛步恒健催梢櫓自誇文
惟供酒盞詩肯讓誰家朱

雀桁間月烏龍潭上花自茲何忍看惆悵夕陽斜

些山跛行

甚疾自謂勢若催梢櫓

聞我隔江到相過不厭頻文心深自許言笑誼何親方
景荒祠草齊梁破寺塵與君成永別凝睇益傷神

石柱衝梅花絕句二十首和王宓艸

江頭梅信久相期惟恐橫江客到遲不為東風開老眼
誰知何遜有新詩

縱橫氣骨絕紛華寒瘦詩人好一家誰截孤根篡桃李
梅花自此少真花

花厄嘗遭花匠降揉枝拗幹剪成椿更加石塊克盆景

強笑春風伴綺牖

古來實貴和羹用今但花求顏色鮮花實古今偏異尚
國風原少詠梅篇

後人無限梅花句詩興由來恐不同豈信孤香猶好諛
可聽殘筵怨江風

自憐生性在江南惟愛支離老雪菴未得鍾山花下臥
推殘近日少人撥

策門臨玄武湖羣峰歷亂遶平蕪爭傳石柱衝前後
十里老梅千百株

斷隴連岡吹古香種從何代此中藏如何輕被人尋到

蜂蝶驚人也著忙

無日無人不看梅梅花非是為人開紛紛盡似梅知己
詩酒相酬費往來

古今戰蹟大江風威定豐碑夕照空賴有梅花香不斷

壯懷猶夢鼓鼙雄

宋將王德信定建炎人稱其猛呼為王夜叉石在卽其華表也

江邨野老長兒孫溪擁梅花只閉門忽駭喧闐車馬到
叱呼煙月攪黃昏

江梅那喜入詩歌追怨蒲公好事多自此逃名逃不去

藏身無處奈梅何

江梅詩唱自蒲菴和尚

谷口先生舊相得王家兄弟皆好奇新詩滿卷近難比

勁鐵稜森古漢碑

鄭八分王安節幽討獨蚤

同心交讓兼扶老古幹嘉名近始傳守得老梅無恙在

詩人嘗羨野人賢

梅名自安節表章始著

擬眺寒江萬里流三間艸閣四時秋招要恐失梅花意

祇合幽人寂莫遊

初同人擬于嶺上構江梅艸閣後亦未果

勝地叢柯誰繫馬滿天芳月豈容燈可知觴詠皆佳會
何似蒲團對老僧

我亦騎驢且看來幽筇斜倚點寒苔微吟惆悵夕陽裏

一夜相思夢一回

莫問南枝與北枝無風有月正當時好摹清影加丁點

魂夢依稀香滿帷

盛時冰雪湯相尋酸待黃來始見心翠葉落如紅葉落
春吟苦亦似秋吟

白頭江上影婆娑不是風多卽雨多同調旣希難獨傲
飄零到處且隨波

壬申五月不雨

書以自遣

雨信愆期更可虞天時人事總長吁吟堦渴蚓亦知苦
緣壁游蝸自取枯五月雲霓空絕望三秦庚癸尙聞呼
從來溝壑無分別今日何關一老夫

狼山白四見過長干寺邸彈琵琶竟夕

君能一藝動千秋滿指驚濤江海流天上人間皆未有
家貧親老欲何求琴非古調空成怨絲作新聲好破愁
心手渾忘生異響悲風西北起高樓

一別橫江十五秋秦淮依舊水西流悲歌易老知無益
豪氣難除如有求白雪調中原寡和黃金臺上更多愁
何如江海相連處攜手同登百尺樓

贈顧敏成時將有所營以致力養其尊甫同叔先
生故喜賦二首以從臾之

生平落拓不言貧吾黨襟期誼氣真容得百年垂冷眼
臚來幾箇老詩人種瓜欲傍紅花地撰杖思迎白髮親

卽此見君皆至性鍾山雲樹好爲隣

紅花地在京城北

慨今富果不如貧竭力承歡樂始真嘗笑江山催過客
那容天地有閒人鳩營得用何嫌拙驥展因時自可親
我欲移家避荒燠硯田堪就托芳隣

艾谿屬畫寄歷下李使君

東藩北渚歷城阿玉佩雲莊發興多千古此亭神秀跡
永懷芳晏可容過

題畫

湖天雲海好開襟禽向相期蚤入林不問古今但長嘯
可知飛瀑有深心

任城泮宮觀漢五碑歌遙寄淮陰張子力臣

任城泮宮漢碑五前楹分列制瓦古形銳如圭鑿如鐵
左三右二蔽沙土近額中穿一圓穴其文半滅不堪撫
老眼摩挲不忍釋漢物千年詎易覩左乃景君北海相
更有魯君忠惠父碑陰故吏門生名釀錢制碑義可取
一爲尉氏故吏碑橫勒斷剝石將腐右乃郎中鄭君固
及執金吾丞姓武額文十字獨凸出波撇更覺多媚嫵
呼兒買紙亟搗墨手榻背偃日越午僮子爪汚鼻亦涅
老夫耄耄不耐俯歸將誇示諸好事可比岐陽十石鼓
淮陰張昭有同癖先我三年遊東魯攜子挈孫坐碑下

編題碑側典可賈我亦攜兒跡相似惜未班荆叙出處
吁嗟呼碑上諸君漢子孫今日何存念厥祖欲攷漢書
多遺忘歸當造訪清江浦

登任城太白酒樓因下觀少陵南池時同遊者會
稽王子盛襄平佟圖南暨余次兒屏星也

自古仙人恒愛酒未見酒人恒得仙美祿焉可匹狂藥
仙凡自別非偶朕我嘗三過任城道雨笠霜篷河畔艸
今年乘興復東遊主賓今古長美好太白季真皆仙人
千載何分主與賓羣指高樓舊飲處百雉飛甍臨巨津
歸朕竝坐若恍惚大醉狂吟跨溟渤近縮徂徠松外雲

遊招采石江邊月憐才杜老生同時小船城下通南池
當時光燄長萬丈樓上仙人應自知今我登樓問詩史
萬柳千檣煙影裏飲酒賦詩者誰子莫遣仙人醉驚起
仙人在上迥不羣何敢言詩復論文不是仙人莫飲酒
只可臨流看暮曛

知章爲任城守太
白故嘗登樓對飲

又感賦七言一首書南池亭子上

城上高樓城下池果朕痛飲是吾師名賢氣象空千古
勝地風流在一時狂疾老猶耽聖酒荒碑醉欲掃殘詩
仰窺霄漢探河岳挽轉東流事已遲

初至任城署中

舟自石頭城距任城
千三百里兼旬始至

江淮河濟石尤風千里隨來九月中總爲饑驅誰念老
偶乘興至莫言窮湖邨淺口張魚筍官舫梢頭挂雀籠
矯首任城今日到南池衰柳尙蔥蔥

王安節相繼至歷下枉顧邱次見示新詩屬和
但得君來自不同濟南聲藉在江東清思足與泉爭湧
衰拙徒慚墨未工獨樹軒前吟嘯外千峰影裏夢魂中
相期對岱彈春雪黃雀翩翩狀氣更雄

偕王安節登華不注峯次兒屏星隨杖日暮始返

各賦五言四首

明湖北部影巉削露孤峰片片青凝鐵鱗鱗黑似松泱

泉穿蜿蜒拔地出芙蓉小小真圖画天狀高克恭

恰喜王安道翩翩濟勝多高懷何磊落賈勇踏嗟哦干
古春秋筆三周齊晉戈若非封建廢侵伐更如何

高樓挂嶺角幽構嵌崖罾骨立無餘土形枯欲刺霄金

與古殿冷玉面老狐驕落日催芒屨寒城尙不遙

名金嶼山土人云山
窟中多爲狐仙所據

到處探幽興閒筇老更奇逢樵因得徑訪古且尋碑華

嵒曾誰畫泉亭奈少詩還當登日觀天海盪襟期

華嵒
秋色
元人有遺蹟趵突
歷亭近無傑作

歷下觀察署齋逢貴池劉侏四嶧桐徵君季子也

賦詩感舊和韻二首

嶧桐千古豈云孤家學寧慙負荷無書散樓空那可賣
田餘視在未全蕪雲山到處能留客天地何嘗肯負吾
老馬獨憐當末路尙貪霜艸更長驅

天涯攜手歷亭邊廉吏分餐損俸錢耽病那堪嘗貴藥
得閒且自淪清泉但求繩武多男好惟念尸饔老母賢
千里江鄉同有夢天門上下總相連

估四有五男

四時雲山無盡圖卷爲李廣寧使君作絕句八首
聞有梅花古洞天雪霜雲月總成煙吹開魂夢新詩冷
尋徧香寒破硯邊

放意縱橫洞壑偏此中人氣愛芳妍托根先已離塵
莫道梅花不是僊

半叡松陰千嶺雲滿身幽翠映朝曛老來杖履閒難慣
日日登臨迴不羣

朝來雲樹鬱蒼蒼花氣嘗隨雨氣香艸閣荆扉幾片石
不知可似午橋莊

乾坤今古付煙波每羨漁家樂事多鷗鷺亦知清晏好
鷓鴣太液更如何

千秋釣術亦難同欲向中流問此翁老雀何爲辭萬里
且能戢翼肯相從

世路羊腸未足奇，枯毫突兀寫來癡。閒觀且自供長嘯，
卽問樵夫未必知。

老樹能容天地寒，山空雲淨白湯湯。始知筆墨原多事，
無意中須有意看。

同王艾谿暨安節復遊華不注極其巔賦五言四

首

愛此山名古，頻遊不倦遊。忠憐馮醜父，能獨免齊侯。隣

岫名爲鵲，綿岡臥似牛。華泉猶可飲，幽咽至今流。

事見左傳

西日鵲山卽扁鵲山亦作嵒大明湖亦曰嵒湖東阜曰臥牛山華泉繞山足卽齊侯飲處

磨笄雙石屋，岌岌小如冠。倚杖聊趺坐，危闌縱眼觀。

圍滄岱氣孤，注古今寒亂。石依殘壘，曾經幾戰鞍。

側面石爭立，當頭崖若傾。新詩生險句，陳跡湧題名。白

髮仍羈旅，黃冠莫送迎。閒雲都似客，來去總無情。

石上多有

前人題名皆湯惠不成讀山下道士乞錢不可得故戲及之

平野縱歸轡，飛揚任少年。一峰追負背，雙衛聳唵肩。何

處尋花窖，荒邨繫柳煙。不妨排闥入，莫問主人賢。

同遊諸子

皆馳馬揚塵余與艾谿騎兩驢吟詠獨後因過劉氏園亭小有花石北地藏花皆在窖中

歷下感遇卽事呈臬憲喻正菴使李廣寧兼致

學使朱復齋

岱宗儼在茲，羣賢且星聚。魯齊悉一變，千古式王度。惟

聞德旣敷遂使刑幾措江天舊神君河岳爲拱護海登
玉鼎籌澤溢金莖露文德復昭宣士風賴陶鑄下士輕
千里踵接競依附士貧良可驕官貧良可慕何期折節
殷館餐辱垂顧庖廩應時繼衣裘敝改作果筐嘗致珍
酒甞不外酤在旅堪留客遊山輒治具公等真偉人我
輩洵奇遇更值紫陽冑家學尊傳註挾藻持冰衡往往
擴賢路藉甚徧鄒魯仰止在道素緹幕拂春風開軒獲
良晤行將結德旌前指蓬萊駐遙聞振玉珂掣盡珊瑚
樹徘徊古歷亭客懷表情愴夙稱名士多濟南今非故
賓主有餘歡散古愜深趣風雅存徽音緇衣爲誰賦茲

遊安可忘雲霞通寐寤

正菴先生治具約同艾谿安節暨兒屏星遊錦屏
山龍洞復令鐵三老代爲主人感爲之歌

曉風揚堞發狂嘯山輿蹶躓却吹倒如蕩輕舸忽失權
輿中二老相視笑主人誼綢繆慮客生旅愁春錦屏開
勸客遊老難乘馬乘竹兜爲言此山崖叡美神禹所登
山乘樛洞中神物驚睡起蝦蟇驅飛石燕子銅盤戛戛
響潭底屈蜷鱗鬣山爲空前洞窅邈後洞通飛涎歎沐
紛蜺虹深若層甍高若墉首尾莫測竦巨脊倏斷倏連
挂蒼碧獨埒觸額角鬢鬢荒硯春涸石齶齶嚙齧鈎衣

鮮人跡壯者縱轡何其便先我十里陟其巔穿洞口跨
崖肩望之風舉良軒軒二老雙筇日影偏山光四面來
周旋靜對淪泉試茗椀攜手同登行步緩指點孱顏笑
欵欵錦屏高展橫雲斷春潭忽聞水氣腥春洞忽見蛇
蜒如有形將欲爲霖首四靈行看八翼翔風靈山椒風
定看不足安得此山入我腹古人取真山四時入卷軸
何必夢寐說營工且來覲面臨洪谷主人錦堂春穆穆
開屏攝盡千峰綠勝遊自此還堪續

謝別正菴先生感述

聞風二十年逡巡未一面知公蓋代英曷敢俗禮見江

天縣朝瞰海岳澈驚電名已著彤墀功當垂赤甸齊魯
今異古難以致於變直影卓中天神威燦寃讞豈以古
臯夔而不卑管晏竊慚生同時蠖伏仰龍現窮士雖有
璞攸耻在自衒聞公見我畫頗亦領首羨遙貺頓優渥
致語倍繾綣但在振風雅更不棄衰賤去冬聞我來執
手亟稱善慰藉罔不至抗論每忘倦爲我治供具爲我
假庭院精釀爲我炊旨畜爲我餒我寒製美裘我畫裂
佳絹有時弄素琴有時沃枯硯晏遊命籃舁珍賞示藏
卷愛我尋古歡信我匪時彥公囊無一錢公才真百鍊
天肯念蒼生恩將下紫殿私懷惟默頌離青傳紫懸餘

年望知已此生有大願

李廣寧使君修復古歷下亭

此亭在少陵時已稱其古其由來久矣李北海之員外孫乃新之故北海詩美其制作寫謀之長少陵復和焉允爲濟南風雅之宗今已久廢廣寧更繼前烈於勿替足補齊乘一段佳話矣老來夢境忽狀好天風吹過任城道古歷亭邊尋舊遊在下名孫振文藻旌節繽紛華嵒雲濼源滌澗流清芬野人芒屨敢排闥頓忘禮數通殷勤千載風流自瀟灑北海東藩晏歷下此亭旣古古復新新古古新在風雅

風雅繼述主人賢仙李根源非偶狀名士曾無蹇處士
雲山發興思青蓮昔時舊觀誰復省遺堞乍聳清湖影
秋來四面古荷香想同濠濮懷箕穎老眼在客喜欲開
安得芳晏嘗追陪江南我雖亟歸去時時幽夢仍往來

絕命辭

此生日月已終窮雪盡肝腸見 祖宗魂去猶依松徑
裏峩峩西嶺有家風

七十三年亦惘然何能先測後來天炎空好駕迴颺去
追侍 先嚴日月邊

生無可喜歿無哀生成何煩虛往來天托英雄仍我輩

千秋懷抱爲誰開

清和世味有何好大命將期安可遲膏澤既枯生意盡
天災人難那能支

世間樂土豈常有何處將來不亂離窮谷貧家能死守
安知不到太平時

百年五世古霜阡茅屋相依力石田我若魂歸風雨夜
松呼泉應也堪憐

文章節孝耿幽忠兄弟兒孫不怨窮自是天心猶可轉
青松黃藥白雲中

惟我墮簾老益諧在原分手有餘哀生平學力慙何用

隱几從今豈復灰

僅有殘編三兩厨傳家此外已全無若教手澤轉

此是吾孫責也夫

燹餘所存屏星鉞星所及行笥可哀而藏之付輿星督麥孫芸孫守之無

令借粥軼散不者至爲不肖

面骨稜森瘦益奇不歸將復待何時此身無矣寧何患

棄此輪尻隨所之

余疾噎臥漁正寺邱絕粒已兼旬孫請及其未殆昇歸迢迢谷葛

空一息待盡書此絕句十首時癸酉六月望日鷹阿山歸樵絕筆是歲凶旱百年所未有山農不知何以苟存也

恍兮惚兮伏枕卽爲吟魂所攪多不成句偶有所

篝燈扶起猶可以書其夢題壁間云

雷出板琴

題壁間畫竹

幽興生時魂也清此身何碍
一輕三竿幾筆還
添得虛堂風雨聲

題畫梅

楝花最戀主人情畫出香來魂可驚
若得攜歸子
何須更遣白榆生

日下奇響



